

淨便入本無亦無出入譬如昔者有一小虫心懷金剛住於海邊間浮大樹高四千里樹則震動不能自安樹神問之卿何以故震動不安樹報之曰虫住我上所以不安神又問曰金翅大鳥立於仁上何故不動小虫覆上而獨戰慄樹報之曰此虫雖小腹懷金剛吾不能勝是故搖動其小虫者謂發意菩薩也其大樹者謂三界也樹動不安者謂發意菩薩起至深慧達阿惟顏三千大千世界為六反震動其金翅鳥住上不搖謂諸弟子四道雖成無所能感也於是頌曰

譬如小鳥住大樹 戰慄不安五枝散
菩薩大士亦如是 超行成就動三十
其心堅固如金剛 度脫一切生死患
弟子猶如金翅鳥 處在三界無所感
菩薩解慧入深微妙不從次第猶如
有人卒立為帝凡夫之士曉了本無
心等如空而無處所至阿惟顏昔者
虛空忽有藥樹枝葉普覆八隅上下
其氣照下諸毒草木惡氣悉除長育
天下諸有好好人大小悉安地高為平

修持通覽

第三卷

樓

卑者則高天下太平無有谿谷及與山陵七寶自然雨墮甘露人民大小莫不以歡吾本有禍以離眾患出入行步無所畏難無有惡歌盜賊之苦藥樹自然蒙者皆安風雨時節五穀豐熟面色和悅衣食化至無有眾惱猶如大樹忽然生空普照天下若有凡夫在生死中卒解深慧至真卒無而無罣礙氣照天下者謂彼菩薩放大光明以成為佛除一切人惱怒礙始也長育令安謂使四華奉行道義也今高下平者使五道人皆獲平等慧七寶自然者謂七覺意也雨甘露者謂講菩薩法也人民安隱五榮豐滋謂終始斷達五神通達至大義阿惟顏住於是頌曰

如人卒立為國王 菩薩大士亦如是
曉了深慧至無極 得成佛道度十方
猶如虛空生大樹 根株枝葉四分布
照於八隅上下方 地高下平五穀滋
人在生死凡夫身 忽解深法患流布
令十方人度三塗 等心一切雨甘露
修持通覽卷第七 第六卷
乙巳歲高麗國大藏都監奉
勅雕造

修持通覽

第三卷

樓

僧伽羅刹所集經卷上

并序

樓

許參政寶藏僧伽羅刹等譯

僧伽羅刹者須賴國人也佛去世後七百年生此國出家學道遊教諸邦至提陀越土甄陀羅王師焉高明絕世多所造作此土修行大道地經其所集也又著此經意章世尊自始成道迄于淪虛行無巨細必因事而演遊化夏坐莫不曲脩譬普曜本行度世諸經載佛起居至謂為密今覽斯經所悟復多矣傳其將終我若立根得力大士誠不虛者立斯樹下手援其葉而棄此身使那羅延力大象之勢無能移余如毛髮也正使就耶維者當不漁此葉言然之後便即立終剎臍王自臨而不能動遂以巨鉅象挽未始能擺即就耶維炎葉不傷尋具兜術與那羅大士高談彼宮將補佛震賢初第八以建元二十年劉賓沙門僧伽跋澄賣此經本來詣長安武威太守趙文業請令出焉佛念為譯慧高筆受正值暮容作難

於近郊然譯出不衰余與法和對檢定之十一月三十日乃了也此年出中阿舍六十卷增一阿舍四十六卷伐鼓擊折之中而出斯一百餘卷寧通不敗其恬詎非先師之故迹乎

僧伽羅刹比丘所集佛行首

今時菩薩始行時悲世間故發趣於道彼出家故行忍不相應故心三昧斷無知故行金剛智慧除捨調戲行真諦故除棄意垢為直行故為苦行慈孝父母故心堅牢固不捨誓願雖欲故為聞饒已念報恩求解脫故普眾樂故應息住林園故不觀行者未知親故知己身縛口行無欺故一切苦本意无所念不捨有故

若復菩薩行智慧之時以所知故名曰智慧數數於彼行中及諸眾生不解深義長夜勸勵分別了智慧此深此淺清淨其利此惡此醜親近善知識彼法不乱無量无限亦無增損猶如劍戟所截皆斷彼智慧者亦復如是現第一義故有共慧明己意聞聞故聞彼見明與共相應以諸行故

僧伽羅刹所集經卷上 第三張 持

根門具足無怯弱故現其威力欲斷不善野業現其有財業以珍寶不可得故如是現珍寶也以斷命現其壽命斷諸結使故是力觀察速事與彼分別皆使決了救彼脫命以彼愁憂故起歡喜之心息意不起故去離惡法而成就善法去邪就正以是之故成其智慧力外生死故欲斷望見至出要處猶步世間故遊一切境界究竟一切智原使至無為

善住不移動無有生死畏即速不還處消滅三界趣百劫所造行欲淨眾生類无有三世想亦能無怖望

是菩薩行諦之時彼名諦者心无有虛妄言無有二常娛樂其中亦无彼此數數樂彼寤寐之中未曾調戲亦不妄語又聞昔有王名須陀摩於王宮生統領四域法鼓遠振群臣人民無不聞者生如此有德人性詣池水浴洗乘羽寶之車欲出城門時有婆羅門顏色端政聰明智慧欲來乞寶婆羅門即白王自稱姓名舉手乞言是時王聞乞言聲便懷歡喜即報言

僧伽羅刹所集經卷上 第三張 持

止止尊者須我還國當相救濟夫王之法言無有二即詣彼池浴洗洗已竟便欲還國是時有翅飛鬼名羯摩沙波羅現其恐怖手執王身是時彼王即自涕零是時彼鬼觀彼王意云何大王何為啼哭有此愁憂之心時菩薩報言我无有此身想唯我許婆羅門財寶以是之故便懷愁憂是時彼鬼即報王言我未曾聞此甚奇甚特之事世所希聞為彼人民故來相試若今設放王去當復還不時王甚懷喜悅是時彼鬼身有兩翅飛在虛空觀其所說即放使去是時菩薩還國歡喜以財與彼婆羅門實無有虛施不有悔有是審諦之言是時國王即詣彼鬼所自稱姓名今已到此是時彼鬼見王形貌即便驚怖有是實言王顏色不變除去瞋怒無煞害意便作是語甚奇甚特未曾所聞說此偈言

我堪飲惡毒 洋銅灌口中 利刀割其體 誰敢害法王 宿福生王族 觀德無有此 勇猛實不虛 應相為國主 我今當尊敬

僧伽羅刹所集經卷上 第四張 持

從王不復然改往修善行衆生隨所樂是時菩薩行柔和之時彼心柔和有此名聲言不平暴欲求法故常護彼意未曾起惡不生憍望口不吐惡言爲愚癡故現其智慧除心垢故皆悲攝名无有若干吾我想不隨幻諸涕所擁護於此獲如是德亦無虧竭如是之德皆悲避之於心得柔和之心善根本具足入所受念不惜身命神仙所嘆譽如是柔和觀彼善惡之報彼智功德具足如所說善本不斷貧窮之者施以金銀所實除去諸穢壽十歲時遭過厄難所欲自在亦不煞生善身造業心所生財口所傳教行所造業除去穢惡所覆蓋者亦時諸比丘世間有身已得休息非已所有悲盡無餘如是已盡以是之故當去離染著前世所造者彼已盡更不復造已斷根本若休壞敗如是說已作是法住於此深妙法中如手執輪六月不懈諸佛世尊皆悲覺知皆無成就於是便說偈言

增如羅刹所集經卷上 第五張 樓

當作如是觀勇猛意如海柔和不度橫頭面稽首礼無著世希有是時菩薩慈孝於父母時性有報恩恭敬承事遠惡就善隨時供給夙起夜寐慈父母意無事不辦所約教訓未曾違失有如是柔和之心以是之故有如是事心所修行常自觀察當辦何事所聞教誡尋即知之常懷歡喜一切愛敬念盡知父母之心常念欲報恩无度讚言此無憂所又聞昔者未度菩薩時爲大象王端正無雙頭眼眼毛皆悲端正觀无厭足耳滿充脣象中長牙爪方政有娛樂之心脣齒純赤頭可滿具形體方圓極大高廣猶高山峻行步庠序七處滿足猶青蓮花行步庠序無所罣礙女所生遊山澤中色如白雪便爲獨音所獲將彼去時是時山野樹木皆悉屈申水自涌沸將至所止與種種甘饌飲食亦不月食是時象師在前長跪叉手白彼象言便說此偈

增如羅刹所集經卷上 第六張 樓

是時彼神象便否偈言我世無有目羸瘦憔悴憊憊憶彼不能食是故頭見怒於彼深山中不食飢渴必當命終甚捕其苦毒各當共列難以是慈憂亦不能食亦不飲水無有果欲與我母者二人俱當死作如是辛酸語已時獨師便懷歡喜放使去於彼拘薩羅國有一止住優婆塞學士名曰睽施行十善功德備具持瓶行取水是時拘薩羅國王出行遊獵追逐麋鹿於山中射者喚呼便憂父母猶如飛鳥無有兩翅父母年老目盲无所見今彼毒箭俱亦當死父母修四等心便說此偈

增如羅刹所集經卷上 第七張 樓

是時於衆生類而行大慈愍世間故
發趣於道皆是愛著亦不自任力勢
除其所覺者如是菩薩觀察是時於
衆生類而起大慈衆生為色所縛為
欲愛縛者無能有解色者除其智者
如是菩薩觀察是時於衆生類而
發大慈衆生為陰怨憎二念相繫
縛無有能覺此除其智者如是菩薩
觀察是時於衆生類而起大慈衆生
為苦重擔為苦所害無有能度此苦
擔者除其智者如是菩薩觀察是時
於衆生類而發大慈衆生類常懷恐
懼百苦并至無有能除其恐畏者除
其智者如是菩薩觀察是時於衆生
類而起大慈衆生之類遭遇飢饉渴
愛無厭元有能脫此飢饉者除其智
者如是菩薩觀察是時於衆生類而
起大慈衆生之類為因病所逼一病
動百病增無有能脫此病者除其智
者如是菩薩觀察是時於衆生類而
起大慈衆生之類生老病死常自追
身而厭患之無有能脫此生老病死
使至元為者除其智者如是菩薩觀

智如無利所集經上 第八卷 持

察是時於衆生類而起大慈衆生之
類衆事起者有常想元有能除其
起者除其智者如是菩薩觀察是
時於衆生類而起大慈衆生之類
所為事不辦忘性荒亂無有能究竟
其事者除其智者如是菩薩觀察是
時於衆生類而起大慈衆生之類貪
著少味經歷衆苦元有能脫此苦惱
者除其智者如是菩薩觀察是時於
衆生類而起大慈衆生之類常懷慍
豫怖望遠正就邪無有能斷其孤疑
者除其智者如是菩薩觀察是時於
衆生類而起大慈衆生之類有若干
見趣無有能拔此見趣者除其智者
如是菩薩觀察是時於衆生類而起
大慈衆生之類墮胎者不度彼岸元
能得度彼岸者除其智者如是菩薩
觀察是時於衆生類而起大慈衆生
之類三種火盛而為焚燒無有能脫
此法者亦不能以法雨滅者除其智
者如是菩薩觀察是時於衆生類而
起大慈衆生之類輪轉生死元有休
息亦無有能得度彼岸者除其智者

智如無利所集經上 第八卷 持

如是菩薩觀察是時於衆生類而起
大慈衆生之類行始所添善增益生
本無有能脫此生死者除其智者如
是菩薩觀察是時於衆生類而起大
慈衆生之類身處大嶮手攀晚繩元
能脫此晚繩者除其智者如是菩薩
觀察是時於衆生類而起大慈衆生
之類猶如桑魚子為行所驅逼亦無
有能脫此使流者除其智者如是菩
薩觀察是時於衆生類而起大慈衆
生之類發趣大生死常懷怖望亦
無能使還止者除其智者如是菩薩
觀察是時於衆生類而起大慈衆生
之類發趣惡道常懷欲行想元有能
安處正道者除其智者如是菩薩觀
察是時於衆生類而起大慈衆生之
類長夜自處幽冥無智之所由元有
能脫此邪道使處正智者除其智者
如是菩薩觀察是時於衆生類而發
大慈衆生之類不照見究竟見賢聖
諦無有能使見賢聖諦者除其智者
如是菩薩觀察是時於衆生類而起
大慈衆生之類長夜處流滯元有能

智如無利所集經上 第八卷 持

脫此流滯者除其智者如是菩薩觀
察是時於衆生類而起大慈衆生之
類無有閑靜與種種趣相應無有能
脫此閑靜者除其智者如是菩薩
觀察是時於衆生類而起大慈衆生
之類貪者結使長夜涂著無有能滅
此結使者除其智者如是菩薩觀察
是時於衆生類而起大慈衆生之類
遭遇苦難志性荒亂無有能使至解
脫處者除其智者如是菩薩觀察是
時於衆生類而起大慈衆生之類謂
欲為淨內或臭處無有能脫此受欲
者除其智者如是菩薩觀察是時於
衆生類而起大慈衆生之類謂欲為
樂諸陰苦患無有能曉第一之善至
涅槃者除其智者如是菩薩觀察是
時於衆生類而起大慈衆生之類昔
有常想謂不移動元有能示涅槃之
路者除其智者如是菩薩觀察是時
於衆生類而起大慈衆生之類計吾
我想不解法數元有能分別法者除
其智者如是菩薩觀察是時於衆生
類而起大慈衆生之類不得致護狀

增伽羅刹所集經卷第三十 提提

患於涅槃猶如大狗常守死屍馳走
東西無有休息愚癡所為今亦如是
與彼狗無異自無性行馳走東西不
解涅槃義陰蓋所覆不悉觀察菩薩
起勇猛意使至彼道便有是得
多有衆生類流轉生死淵觀此艱難苦
安處至涅槃陰蓋所覆蓋無尤憂幽冥
智者皆現世除雲使光出

今持菩薩而行此極重初始時興起
法想甘饌香美饒益衆生隨時相應
與第一義相應心無憍愛求成就充
滿除去衆結亦无所遠離不逆七者
施已無變悔之心皆是曩昔施行功
德使彼无結者為衆人荷負重擔皆
棄結使如今日之施成其所願欲使
衆生所欲皆獲從小已來無種種害
意忍諸種種穢患施功德漸漸厚導
引人民而作船師數數不廢於施常
好惠施內自清淨外現穢相不達一
切者謂一切衆生除去惱慢無懈倦
心施心遂增顏色和悅元有怨恨不
自稱譽亦不自下受樂衆生一切所
有皆慈惠施施所成辦合集人民數

增伽羅刹所集經卷第三十 第二張 提提

數惠施無變悔心心意喜悅嘆譽布
施果報速徹以金銀珠寶車馬瑞
車乘男女城郭皆悉惠施內无慳嫉
受彼信施欲充滿彼情望具足欲便
彼施果皆悉牢固欲使彼乘船得度
以彼施故具足此義觀察施果捐棄
諸結衆生貪著除去使無邪見除去
慳貪隨時生依法雨而雨是故歸命
金銀珠寶施車馬馬瑞珠瞻彼無厭足
今札釋師子象馬及天金色寶為第一
能施和顏色歸命解脫者車寶為第一
亦寶所環瑤顏色皆和悅妻子及男女
金等盛滿銀或盛滿碎金彼以歡喜施
誰勝毗沙門和悅以自施如果茂盛好
歡喜而惠施彼滿三世界男女極端政
婦身及頭目為世而惠施誰與此施等
檀施無過此天人所不及猶如彼上人
意天海无底

彼菩薩修行戒時於彼戒非為無戒
及身口所行心所起甘露之法如彼
花果擁護其根必生果實於彼而得
皆是人所行猶如彼土然生不與取
婬逸及諸放恣菩薩不飲酒於諸戒

增伽羅刹所集經卷第三十 第三張 提提

智慧皆悲具足除去非戒於道場而常三昧速離犯戒亦不有慾意物性皆清淨受彼信施數數厚味亦无所犯內無所缺去不就有亦不救花依見不腐敗无穢不造新穢果所種有新善眠悟无愁彼衆生色寂第一由彼功德故善香遠布受信施故意常牢固諸根具足故無所壞敗智意住不移故无所不壞緣彼人故有所增益爲彼人故擔負苦惱因善法故有其慶所無愁惱亦无所染以形貌故有服勞爲彼人故有其財寶無限无量無有窮盡從初發意未曾變悔况復菩薩禁戒成就於是便說此偈上下及四方諸有聞戒香皆悉等具足速發爲家要親近善知識善者作功德善色無有比戒香第一福諸穢悉休息覺我無有我寂勝後第七我今當自禮若復菩薩行精進時然彼心有所緣心亦无懈憊出家不可障斷爲衆生故而出家不移動故有其力緣種種衆生有其精進不可勝故有其忍有所長益故示現於世有其功德故示

僧伽羅刹所集經卷二 第七十頌

現衆生攝其心意故彼意不移動慈師故得到彼岸以定故不乱發意踏步則有所度以彼衆生故成其所願欲成道故施家馬寶車是時菩薩於彼衆生有是精進其有聞精進名者發趣於道一身之中所作功德不可限量况復如來無數阿僧祇劫所作功德端坐道場時降伏外道經歷生死以精進意除去愁憂精進取第一歸命法王主於佛善自覺今歸命无等彼尊爲第一法鼓聲遠布於覺覺自覺是故歸無著若復菩薩行忍时无畏無所懼无所涂不觀彼果報有其力勢擁護衆生常遠離惡數志性耐強自省已過一切衆生皆憚恐怖使無恐怖示彼戒律亦爲一切衆生降伏展轉去不善語慈愍衆生彼无量無限依衆生語設有所聞及諸至道迹微妙第一猶如華果未常不敷華爲風所吹動山巖處穴採取諸花香種種色處所福德音響衆生之類皆悉喜聞猶如蜂王採諸花亦以用作蜜及諸小蜂

僧伽羅刹所集經卷二 第七十一頌

而作蜜者及諸泉源處處流溢及諸郵施園使樂無比有罵詈所爲成辦諸求呪術爲彼示慚愧衆生修行道者爲厄難者而作救護名曰忍辱仙人是時迦藍浮王往入深山欲獨處適入山中見此忍辱仙人便前跪問在此深山爲求何道忍答曰求忍是時大王不自觀察亦不觀察行欲有所試即時便作是說我今當截汝手脚即截彼仙人手脚復作是問汝今爲求何道是時忍答言我求忍辱道即時嘆譽忍辱之德是時大王倍懷瞋恚欲傷害其命是時仙人已截手脚便作誓願言使我世世勿懷瞋恚亦不有瞋恚於彼大王解知諸法皆悉虛空復有異仙人往至彼仙人所而作是問云何神仙不起瞋恚於彼王耶若行此忍辱之時有此大忍辱之力當於今時不起瞋恚之意觀此血色亦不變易是時護世四天王往詣彼仙人住處是時提頭賴吒頭面作禮便作是問我今欲熱迦藍浮王爲可余不作是語已時仙人默然

僧伽羅刹所集經卷二 第七十二頌

然不對時第二天王復作是問我今當然彼男女大小及城郭人民皆悉蕩盡作是語已是時仙人默然不對是時毗樓波叉王復作是問我取彼境界國土所有人民盡取之願見聽許是時仙人默然不對是時毗沙門王復作是問我欲取彼境界國土移著他方願見聽許是時仙人歡喜歎譽忍辱之德便說此偈

截頭目手足不起怨惡意所有盡施彼況當於世間

是時護世天王復作是問云何仙人欲求何等道是時仙人答曰

欲使彼三身無有惡行報彼王雖咒暴憂彼不自憂

若菩薩修行三昧時設入彼三昧有所緣心未曾忘失亦不放逸專其一心若復不懇懇求方便亦不受諸行解諸法味不著於法於彼地中亦無結使彼三昧之中清淨无瑕穢伏外敵無怯弱一心解其氣味心无所著降伏志性未曾懈倦成其所行得三昧歡喜根精進不移念不錯乱一切

僧伽羅刹所集經上 第七卷 攝

所修覺知道品念荷歡喜勇猛所獲皆依荷智漸漸得歡樂慶然菩薩行於彼三昧行時起三昧善行已辦三昧善行若行若住未曾失之彼以有此行善法具足起諸善行諸所未皆悉現在前設心有愁憂漸降伏其意使不忘失思惟增益增善若心放遂復思惟善法若心懷愁憂緣縛所繫即能思惟彼解脫善於已境界威儀慈善為人演說乱想穢病及餘種三昧諸功德具足三昧彼處彼處三昧行報之果實實為善行猶如青青樹木現淨解脫及餘青黃白黑皆隨彼三昧來往無所里導欲以三昧力火聚日光无所不照彼得天眼亦復如是晝夜徹照亦復得天耳徹聽有如是之力彼菩薩得是三昧无限無量不可稱計盡由三昧之力亦由思惟由不懈怠由智慧明知卷知舒亦由希望三昧由去離惡相由逆順三昧力如是衆想是彼三昧所生彼彼持門成三昧所適之處亦无疲倦求其方便不堅固三昧故而行三昧為一

僧伽羅刹所集經上 第十八卷 攝

切欲故降伏心意善擁護思惟亦不錯乱隨意自在不說人過無量无限無有窮盡於今三昧斷諸狐疑放種種光明依一切善法諸結使淨數數習三昧依一切善法於是便說此偈

獲此解脫心三昧無罣碍新頭趣大海駛流難可制若意有所欲心亦不移轉欲斷境界水皆是根門行我於百年中荷負父母行不充錢所願能報父母恩已得將護彼拍殺父母處能覺知如是世之所怖有

是時菩薩行堅固心時我攝解脫有如是方便彼有勇猛意所為无罣碍不為人所制持是故當方便求昔聞阿蘭迦蘭起諸禪定捨彼禪已更求三耶三佛無上道使往行南半由旬中詣彼空閑處作種種苦行取果飲水善純黑皮衣在樹下結加趺坐或時飲水或時食果或時眠或時作如是苦行於草上卧或以灰自擁樂著於彼三宿之中顏色不變易九日之中凡跪相火諸放逸者隨彼言教或時祠天頭目新贏兩解露現或翹一

僧伽羅刹所集經上 第十九卷 攝

足身體優曲亦不盜竊以法自樂於彼苦行求道亦不飲食皮骨相連身日日極身黑面色萎黃猶如竺徒內無有實肋脊悉現形有百變不可觀省少壯之貌永無復有猶如老象无所任施坐卧行步而无力亦不能語雖復貪命不久在世當於余時天使已至彼所住之處為設方便有如是若干變化彼為法故寤寐不失其節如是求解脫不顧其身於是便說偈言

設我當融爛人身分為百又無瞋恚想衆生至无異彼意何可貪苦惱元數變有計吾我想眠與死何異

是時菩薩多聞之時所謂聞名者自稱揚其德家為第一息心衆人所敬待志性不乱所聞能持聞持具足亦不忘失觀察其義除去憍慢有如是之業與智相應今悉聞知以智無解憊恭敬於師長所願自在若飢虛者起大慈悲降伏大外道无所里尋亦無塵垢於異刹土現其道行不為愛欲所染著起方便意為世人民欲使

僧伽羅刹所集經卷上 第三十張 樓

解脫余時菩薩有如是慈心一切智所因皆是方便所起於是便說此偈彼聞若干響其色無有變牢固不久存况我今日身寂初受此法有信於世尊便生大智慧除去諸結使

余時菩薩行思之時識其恩德亦不忘失便有是智慧欲報其恩造少功德永以不忘失亦不永盡猶如種少穀子終身不忘失昔者菩薩欲求无上道時在一閑靜之處有鸚鵡菩薩常愛彼樹余時有風吹彼樹木相切磨磨便有火出火漸熾盛遂及山巖諸生青青樹木火悉焚燒有鬱烟起色極自熾亦不時滅猶如日光塵烟俱起大小樹木皆悉被燒無有遺餘猶如天地融爛時須臾之間聞見者皆為恐怖所焚燒物隨時便盡諸樹木皆悉盡余時菩薩為鸚鵡身一夜之中便作是思惟猶如飛鳥止此樹木當有及復之心與彼相應便起恩意况當我等長夜處其中亦不能得滅此火我今改是時現其威力往詣大海中以兩翅而取其水在彼火上

僧伽羅刹所集經卷上 第三十張 樓

而灑其火或以翅灑或以口灑東西馳奔是時有神便說此偈此火甚熾盛煙雲不可近雖有此善心亦不能得滅

是時菩薩鸚鵡語彼天言

我愛此山中未曾失其恩云當捨去使火燒此林今我有此力意欲滅此火不空居此山欲得報其恩

余時樹神復作是說

此鳥有恩慈其色甚端正此是應人法世之所希有

余時天神作是思惟便語彼鸚鵡菩薩言

知汝有恩慈為汝當滅火相慈有此心我當速滅火余時有大雲懸彼鸚鵡故今當滅此火使彼顛覆果

况當我等正覺於是便說此偈

如來在彼時有此恩慈心諸有發歡喜天人所供養以能到彼岸遠離生老病焉信已牢固統攝一方國

余時菩薩著袈裟時為世人軌則為衆生等變俗就道此是大幢蓋如是捨國王妻子出家學道以度諸狐疑

僧伽羅刹所集經卷上 第三十張 樓

是時菩薩著袈裟時有如是增益功德曾聞過去三耶三佛遊在園觀花果茂盛欲得出家於彼園中人民遊行有佛出世觀無厭足人民熾盛於彼園中无有衆音著袈裟三色清明耳鬻解脫聲音柔和壽有限齊一切自歸為一切苦故降伏瞋恚色如赤銅盡力喘息熅風起見色已便作是說然與我心相應起此心是我解脫是時護衆衆有衆功德捨彼瑕穢緣是之故便說此偈

亦不自識名與彼而相應亦不善洗浴降伏故來此連降伏彼果割已無所惜口作善言教必當自壞敗雖復作此觀與我說是義我當惠施彼忍此苦惱業已自割已降伏其心便作是語而說此偈

莫作苦惱患有如是慍嫉此果雖復小惡報无有限

尔時菩薩樂閑居靜處於彼園觀清淨無衆乱亦无衆事行到彼者皆懷恐怖心所愛樂曾聞有仙人所居處極妙無比廣說如上仙人所住處波

增伽羅刹所集經卷上 第三三張 樓

所有衆事皆盡无餘遠此園觀去當於尔時未定阿惟三佛菩薩為免身是時免依仙人住時免見仙人下山便以偈語仙人言

人身處世間極妙無有比已得生人間應處山林園善哉此仙人善色面親近无有衆瑕惡心自能降伏憙害之所起自知齊限量能自降伏心無有境界想已捨境界可食我為出家故求解脫道心意志了莫捨甘露去彼怖望意功德同處山林有如是三昧意无衆乱已處此山林當樂此山林如夜月照明日照於晝能仁有恩慈應住此山林然仙人少壯時於彼山林中而居住今年已老何緣捨此去時是仙人便作是語自伏其心倍復歡喜而作是語若仙人去者誰當樂此住菩薩便說此偈

我今無此三糗米及餘穀心能自降伏願住此山林

尔時成阿惟三佛遂住於彼照明於世間樂彼閑居以是之故當住彼山林便說此偈

增伽羅刹所集經卷上 第三四張 樓

境界甚摩序山林行苦業常樂居閑靜當自思惟行解脫身功德心意常和悅智慧極微妙當親近山林

尔時菩薩有此親友之心常懷慈心自省所生如實所生如所聞有山林中廣說如契經便作是念此山林無有衆果諸法解脫以忍法解脫是時菩薩長夜之中有此慈心諸法解脫於彼人民無所觸燒於波端坐思惟不移動鳥巢頂上覺知鳥在頂上乳恒恐懷怖懼卵墜落身不移動是時便觀察便捨身而行彼處不動善慇懃力生樂攝彼是時鳥已生翅已生翅未能飛終不捨去今行此慈竟有何奇亦不恐怖衆生亦未曾為如是自知便說此偈

彼能辦此事故于人大亦不觸燒彼此德無有上是故彼世尊宜為第一神故在道場處功德自備具

是時菩薩行悲時自有力勢堪負重擔求一處所一切衆生我當度脫之增益功德於諸苦脫無力者除世愁憂無救護者為作救護無怖望者為

增伽羅刹所集經卷上 第三五張 樓

作佛望无力勢者為作力勢諸疾病者為作醫王為老者示現少壯意為少者示現有力曾聞世尊行道之時無數比丘前後圍繞火焚燒圍觀時比丘見大火煙起各馳走向世尊或有嘆譽世尊者於如來前住彼諸比丘住如來前觀者於是便說此偈如我無時三三功德具以此至誠語使惡速休息

說是偈已是大聚火即休息是時諸比丘嘆未曾有皆是世尊之恩力歡喜於如來各各嘆說此偈言未曾有世尊告曰諸比丘在一閑靜處種種境界若干種色當於今時我未成於等正覺今時我為桎梏羅網也從彼生已來年少自在好施於人求微妙行當於今時寒荼國界人民熾盛土地豐熟多竹林草樹木高峻時火所燒極熾盛漸及山澤有如是之變廣說如契經今時有群鳥眾各各產乳翅羽未生或有翅始生者或有墮地者或有破頭尾者亦不堪任飛或有飢餓者見彼火熾盛各欲飛去我今時

僧伽羅刹所集經卷上 第三十六頌

見此火已示不護身無數百千劫功德有如是護心我今時於彼清淨便發此心使此眾生脫此大患今時我便滅此大火即時滅我今時於彼圍滅此火行此悲心況我今日成大悲由少之所生本觀一切變一切皆悉壞慈哀於眾生

彼火即得滅火滅未久以智慧明滅世人火今時菩薩為生死故菩薩欲生時救濟眾生觀生苦本曾聞空靜山林之中有烏鹿鵲蛇在彼止於彼有仙人菩薩常處其中食果飲水今時鳥往詣彼仙人所在一面立便作是說世有何苦今時鳥便作是言飢為軍苦由何因緣而生此苦我等各自當陳說身體疲極煩熾諸根不定口不能言耳無所聞常懷思想是故飢軍為苦此苦患身火所燒由此飢饉此病難療共相牽連皆有如是之苦是時鹿便作是語驚怖為苦所謂驚怖者身在獨處見猶師常懷驚怖身心之戰常恐无此身復畏猶

僧伽羅刹所集經卷上 第三十七頌

師欲煞害已此身有何牢要住無常屢馳走東西此驚怖者由何而生常有山念彼一切有是行捨離一切身我等有與身常懷驚怖須臾不寧皆是本所造壞敗之苦有如是驚怖以是之故驚怖為苦是時鵲便作是語欲軍為苦更樂其中心境界淨思惟所處無脫此欲患此欲猶如火亦如脂酥著器然則熾狂有所說漆著其心欲火亦復如是漆著其心消盡其形增益諸縛無數劫為欲感會合熾然燒人形體以是之故欲軍為苦時地便作是語瞋恚軍為苦所謂瞋恚者便傷害人命無有尊卑增諸罪根身體顏色常變易動有煞意瞋感眼赤牙齒長利人所惡見搖頭動身長息吐毒身體肌皮純有瞋恚之火一切世人皆不喜見常伏空憂飢亦瞋飽亦瞋眼視不善有如是之變彼猶如火焚燒山澤此瞋恚火亦復如是以是故瞋恚為苦今時菩薩甚深之智思惟此已便說此偈

僧伽羅刹所集經卷上 第三十八頌

一切皆悉苦親近其顏色生者必有苦

聽我今所說猶如此大意苦惱無有限一切是生報是故生非真

若有必成菩薩道者流轉生死以慈悲喜護惡一切衆生以捷疾之智無所畏尋有勇猛意修一切智無懈倦之心教化無有狐疑常懷等見志性牢固不可沮壞得彼氣味不失其志有力堪任分別諸法亦不毀漏彼成大智慧施意解脫無礙悔心一切惠施如濕鞞國王常修淨行未曾懈倦如摩訶提披王忍刀具足如忍神仙戒不毀漏如布賴多學士常樂出家顏色和悅若復於愛敬之中意無染著如大須達施那王遊化世俗瞿頻陀王愛樂於法如鬱多羅摩納樂閉靜之處為伎樂聲響清徹如善覺菩薩在大衆中為師子吼皆得解脫至泥洹界諸功德具足必成於道倍益諸德成菩薩行於是便說此偈曰
倍無傷害意菩薩功德淨已志性牢固如日放光明愛樂如是法福田元有穢愍彼世人民故說如是業
是時菩薩不懷恐怖從兜術天降神

增上阿闍梨集經卷上 第三十品 持

觀有為行无常心無亂想常自觀察知所從生處亦復自知更不受胎有是真諦究竟其原心无染著降母胎中住彼處所亦無亂想於彼觀犯戒為惡行持戒為清淨亦无染著於胎之中無不淨行猶如蓮花不染著水於彼多起道意已有此智慧諸天子常衛護兜術諸天迦來宿衛現姪不淨行樂修梵行自從菩薩降母胎中夫人之身未曾有穢菩薩戒行極為清淨心无傷害之意施行立誓審諦至誠欲出於家大尊妙神天子皆悉扶持胎淨無惱若舉足行七步時懷出家意即觀四方今當向何方便无衆苦香汁浴洗自然有香池皆是前世功德所致天雨優鉢拘文羅花而供如來於是便說偈言
無數世勞動救彼衆生故轉輪无有量天人得安隱諸有天伎樂皆得歡喜心香輪在前轉降伏衆魔怨

彼時菩薩從兜術天降神時梵天衆皆悉侍從若世尊人民天衆圍繞時此是第一相若菩薩從兜術天

增上阿闍梨集經卷上 第三十品 持

降神地為大動若世尊覺悟衆生塵勞無有雜穢此初瑞應地為大動彼衆生之類塵勞永不生軍第一樂是初瑞應若菩薩從兜術天降神時有大光明照世間界是智慧光明相初瑞應諸幽冥之處皆悉見明亦是智慧之相若菩薩初生時舉足行七步此七覺意之瑞應是時菩薩觀察四方時此是四賢聖諦之瑞應是時菩薩大笑時現度人之瑞應是時菩薩夢見以此世界為林須彌山為机手脚垂四海之外此是世有常之想此是甘露法味之瑞應復夢繞樹生齊上覆三千世界此是道場之瑞應天人所尊敬夢見衆多飛鳥周匝圍繞皆同一色現衆成就之瑞應夢見虫頭黑身白現優婆塞衆成就之瑞應復夢見山頂上行現得利不慳之瑞應於是便說偈曰
瑞應未曾有彼有大功德起者必當滅苦樂之所更見彼皆歡喜必當有佛出如日除雲霧無復有衆塵
是時菩薩志性不可迴轉如所說如月

增上阿闍梨集經卷上 第三十品 持

初出於幽冥處衆人所敬即從座起
欲得出家時便起此心此家後有
斯三更樂是時菩薩從高牀下余
時亦起是意此寂是高廣之牀如菩
薩出城門時是時便作是念我不
道終不歸還猶如菩薩解理路以授
車匿今時復作是念計此實衣家是
我後所有若復菩薩以馬授車匿是
時亦作是念此是我後所乘馬是時
菩薩右手執刀自割頭髮是時菩薩
復作是念寂是我遺餘鬚髮是時菩
薩以寶衣貿鹿皮用作袈裟是時菩
薩復作是念寂是我應所著衣若復
菩薩在道場坐是時復作是念我不
解加趺坐不逮一切智不起于座於
是便說此偈

積德從小起當獲無量福猶水漸漲
必成大江河觀此若干類有為行所造
應食甘露味消滅諸惡毒

一切智成等正覺時觀世無常苦空
彼已成等正覺元有眾惱所可因緣
成等正覺起者皆悲歸滅知一切死
者與彼生相應皆悲覺知是時分別

僧伽羅刹所集經卷上 第三十二張

眼識作如是覺知高下隨衆生所為
境界所有智已辯無有疑於彼
覺知本因緣等正覺無有過礙今時
有衆智生覺知有道流布世間覺知
道不可移動是時盡起一切苦二分
別境界若於一劫若百劫若百千劫
意識轉不可移動無淨著意亦不亂
智慧无量亦不捨智慧意善分別遊
境界求其方便果報無量智慧悲
具足一切元有聖導於是便說此偈
覺一切物 亦無有量 來往周旋
无所罣碍 悲覺一切 眾勝所觀
除三界苦 當照世間 誰能分別
唯佛能解 欲求微妙 當求如來
如來隨時 與彼相應 所當成就
無有退轉

余時世尊擲遊元侶亦無有師功德
无量欲訓誨衆生於佛法衆皆悉成
一智成就成等正覺家尊微妙無等
者覺知一切塵勞所趣根本一切皆
悉成念不移動以智分別一切法度
以一切結使微妙寂為第一暢說一
切行故曰一切智已有一切智專其

僧伽羅刹所集經卷上 第三十三張

一心解一切法斷一切結使故曰一切
滅除去有無有愛亦无有伴侶一切
功德智成就等擁護一切衆生如父
母受子長轉功德力成就無貪憍慢
故曰寂靜希現八賢聖道而轉法輪
彼喻如影不在日前在闇前此亦如
是一切結使不與道共相應是故而
轉法輪於是便說此偈

一一功德具彼不可限量 无色不思議
一切相具足猶如月光明而照幽冥中
衆寶樂手海釋種種亦余

觀諸緣起已智度十二因緣塵垢牢
固起受者之智意馳其心中或起有
漏智造諸苦行而得出要道知欲滅
諸結使故無有苦樂之想休息之想
智以无我故得增益智與共相應識
身心空智欲降伏少壯之意滌著其
心起休捨智自省失了滅諸結使起
明慧智欲降伏結使起伏息智欲度
彼岸故起輕舉智自稱其身覺衆生
以諦校授起滅盡智緣彼諦思惟有
諸微妙禪以彼思惟故起度彼岸智
彼心得諦望餘者亦得諦望悉同其

僧伽羅刹所集經卷上 第三十四張

迹意有所荷而遠智慈四大伏止
覆思惟與相類趣到彼岸得天下智
等度彼境界同其一行已得等度彼
岸得天鼻智依彼識欲有分別智知
他人心智所念悉清淨有所修行欲
化衆生故便得自識宿命智為波善
色故數示四大便得天眼智心有所
覺觀察戒清淨得菩願智大神仙功
德彼三昧種子所生度諸三昧界次
長益彼故衆生歡喜便得究竟智於
是便說此偈

種種人思念 親近現在前 分別種種法
以示大神仙 當覺知彼業 以捨諸塵蓋
悉達觀察心 善哉人中上

彼如實而無有愛欲不與彼愛欲相
應亦无瞋恚及熱害之意亦無愚癡
覺知彼病亦无諛誦常懷柔和亦不
自嘆譽語出善教亦無有想除去憐
望之想亦無彼此之心不傷害彼人
自得解脫無所適莫有慈哀心所為
皆悉辦非為无慈心有悲心無雜穢
想亦有護心欲等度護衆生故有空
心禁戒具足有無願心智慧潤澤有

僧伽羅刹所集經卷上 第三十三頌

無想心亦无所染亦無調戲為世人
民不雜調戲避諸惡業而說法教禁
戒成就無所歟漏三昧成就定不移
動智慧成就皆悉至彼岸十力具足
無能勝者得四无所畏無怯弱心獨
步三界於大衆中而師子吼於是便
說此偈言

僧伽羅刹所集經卷上

乙巳歲高麗國大藏都監奉

勅雕造

佛伽羅刹所集經卷上 第三十三頌

僧伽羅刹所集經卷中

樓

符春寶藏僧伽跋澄等譯

余時世尊云何分別生城所謂盡生
無生斷望度彼岸及諸木攝受欲所
由牢固塗著愚癡愚癡為城無漸无
愧圍繞迹無歟漏五蓋為門覆蔽衆
生種種愛欲充滿瞋恚車無數種種
衆圍繞豎憍慢幢吹閼冥螺遊行東
西種種邪見經絡其身自受持相作
如是諱思惟衆生種種圍觀極微妙
心娛樂其中樂到彼處或到飢餓處
是所未樂商人所行已度境界行到
彼處利養解脫後世有果盛熱寒暑
風雨遭此苦厄生老病死有是苦惱
當屬死生向一切趣猶如彼解隨水
東西於彼中而作是意狐疑難可入
不與共合亦不可與聞余時世尊以
三昧觀如是力難可沮壞到彼境界
彼死處悉滅盡一切吉利無有為行
於是便說此偈

生國有衆想已度拔濟河彼漸血滿中
猶海深無底三世聞聲響愚城所圍繞

世尊觀彼時以權智往壞

尔時世尊云何降伏魔衆所謂於八解浴池洗善行無染著漸至解脫門善无上言教等與住止宿名稱遠聞者漸愧水空無願无相以為寶冠忍力具足頗常和悅面滿充盈布現賢聖八道種種香熏著若千種水本已覺結使為微乘禁戒車等見導引前勿德圖繞以智慧力御彼車專念不移以善覺悟彼衆生三界聞其教皆本行所逮逮以意止為鎧手執法幢揮智慧刀以善想為拂以十力無畏吹彼法螺以神足之力於三千世而得自在善分別七財四辯才不可窮盡若結使起即能使滅惠施財業百千萬倍不可稱計猶如大象莊嚴其身攝取衆生安慶善業師子奮迅意無怯弱而開法門或現驚怖或現剛強内無瞋恚獲大財寶猶羅刹鬼露現牙爪有如是形狀不別眷屬或現猶狐或現魔衆或師子頭帶身或七步跳或時立欲相傷害瞋火熾然或擔山吐火若干種變其中或有狗犬者

增補羅刹所集經卷中

第二張

樓

懷憐憫或一身兩頭或平舌張目或身長頭短或金翅鳥形手執刀杖或執輪軸或師子吼欲傷害人作如是變化或犍牛形狀者鳩鵲茶形手執大火炎皆著鎧眼赤光出擎大火炎求其方便欲相傷害彼羅刹者皆有兩翅種種鳴鼓聲若干種清虛空中有如此鈴嬰頭猶如魔鬼或童子形手執鐵輪種種惡行若干種狀猶如海神手執日月以智慧刀降伏彼怨於是便說此偈

結盡無惡畏長夜樂其中種種色形變種種色无窮起如是之變亦本所造業手執智慧刀即能降伏之

是時世尊云何度灰河所謂度灰河時除去憍望及瞋恚思惟彼灰河皆是不淨種種之想皆悉除捨緣彼若干種永盡無餘所觀察微妙時不可過渡生死海合會難度皆是古昔所造行意所受樂伽捨救捨_{二種}順水而流斷其憍望除去愁樹岸邊饒草如是身所造行樹木茂盛種種啼哭百千種不善行所造手執石亦是不善

增補羅刹所集經卷中

第三張

增補羅刹所集經卷中 第四張

行所為隨彼海中有垂復往求樂處為欲所迴轉傷害場界瞋恚熾盛眼如赤銅心脩清淨欲想盈滿而成灰河及諸坑渠峻難色聲香味細滑皆是有漏劍戟悉布彼地有大幽冥亦無光澤依彼隨流上下如是之河尔時世尊菩薩无量生死中皆欲遠離便起是心此灰河甚為險難刻布其地極幽冥無有光明如此人衆傾流於彼我今當斷其流作如是誓願已而求方便以法忍為世作軌信復作方便等度禁戒地以此安慶以四賢聖諦觀察四方分別度了以無漏等見山踞生死岸已踞彼生死岸至善業等業等方便娛樂三昧八賢聖道皆悉分別已欲至彼岸以神足之力五根亦無所畏以涅槃之處於彼止住解脫禪三昧衆華茂盛不出無為者覺知分別是時世尊為身經者錠光佛之印一切華無上_佛毗婆施_佛生彼種姓家堪任說法於是便說此偈

有力無有限當懷恐懼心灰河深无底

愚者樂遊彼余時世尊力度彼沒溺者已到安隱處為人說其要

大商人本誓願成就志性柔和依種種功德而自嚴身隨時適化為衆生類觀結使根本獲智慧降伏彼惡使就善隨時智成就善觀諸根法常微妙善依彼智善問智成就恭敬忍善說第一法彼義說法義辯善成就賢聖究竟智成就法辯成就所謂義辯者名身句身味身皆悉分別若干種聲彼辯才義善猶如此名身句身味身皆使趣善音辯才善於此三辯才與共相應解脫三昧於道迴轉善知他心智成就彼有所授決亦不移動先問其義說無尋法使趣一智慧道彼皆成就授決成就無憂智成就善趣一切諸法於是便說此偈

有現智慧實亦說諸義辯淡泊無佛等功德亦無雙本去心無來安使作淨慧以救世俗業為世開甘露

余時世尊士何說法所謂隨前所求皆悉充足為說解脫德義如實不虛味盡具足隨其時節漸漸與相應義

僧伽羅刹所集經中 第五法 樓

中間皆悉分別前後與共相應種種若干界隨如意說應前人器諸法義有勇猛意有諸智變化有果實分別法界無有限量一切智所為起如是法亦無所倚除去怖望覺法行業亦不自稱譽與衆生說法解諸病本末三意止成就不懷怖望攝取彼衆樂未曾有天人所供恭敬善住彼處於是便說此偈

如彼永滅法寂勝口所宜善說牢固行智慧等无量彼是甘露味外不受塵垢已練諸瑕穢亦無難惡患

彼無有穢惡除去愚癡意性清淨以捨外事當成佛眼意無所著亦无瘡病以過心意不造過去依以休息皆悉平正心不移動得第一義一身苦行彼行造若干身亦無衆想於聲聞中或以天耳聞聲彼無所持於世俗中起知他人心智種種有為行不以為勞以衆生故自識無數宿命之事如今娛樂一切色行或以天眼觀色衆想亦不移動諸結已滅已現非義以苦誓願故亦不造怖望休息清淨彼

僧伽羅刹所集經中 第六法 樓

智不堅住識憂欲已盡彼以般涅槃義流布世間內自依倚於是便說此偈

意無有愚癡寂然无衆行佛所覺意業是故我歸命為彼人說法清淨無瑕穢遊彼園觀聞及諸隱學處

余時世尊謂是福田依彼福田有所怖望猶如依耒謂耒田稻田彼佛世尊亦復如是依福田故故曰福田以是故号曰福田若若干百千行成就此福田智慧根所生思惟等業已度到彼岸依彼而說法無起滅之想亦无彼此心除去斷滅等見等志無彼等見想等志吐妙言身等善無惡嚮亦无有染汙等成就身亦无疾患等見生等語成就命成就以歡喜果故彼一切時盡微妙無有上於衆會上寂為第一於是便說此偈

福為第一田無數劫清淨愚者不觀察彼則墮盲冥諸有好信者受施能消滅今以安慶住必還安隱處

說世寂希有出現猶如優曇鉢甚奇甚特荷負衆勞嘆未曾有出現於世

僧伽羅刹所集經中 第七法 樓

中間有如此勤勞有此未曾有出現於世甚奇無與等有大道生亦不依辟支佛等不等處有如是生猶如日出不擇坑渠悉照有如是大智慧而照極淨福田生如是增益天衆善行所致如是出世益衆生類布現教誡無明闇蔽永盡無餘欲布現道解脫生死各各相依倚猶彼衆生有形之類皆悉莊嚴是時衆生極被潤澤第一衆得成與解脫相應因道迹諸惡已息思衆生類與說法味作諸橋梁度彼人民於是便說此偈

其有衆生類觀察如來者皆發歡喜心即得離世患第一微妙福娛樂親屬衆發趣涅槃道寂然得解脫

今時世尊有此解脫於彼愛欲諸蓋心不與相應故曰解脫也彼精進亦不懈怠所生根本數數修習清淨無瑕功德不可限量不斷解脫境分別因緣亦不起法想所願充滿亦無有嫉妬心諸垢永盡度諸塵結以智不憂生死亦不捨之智慧解脫分別猶秋月照明幽冥處皆使有光猶如流

僧伽羅刹所集經卷中 第八卷 樓

水樹木皆悉潤澤隨時敷華猶彼水駛流沫隨水迴轉所生至到處皆悉充滿世尊亦復如是無餘涅槃解脫駛流於是便說此偈

佛能滅衆患解脫寂為妙除闇現照耀如月星中明晝與夜元異常住不動既得解脫法智慧照現彼

余時世尊有是盡智分別盡智我已知吉習已除以盡為證而修行道作如歎說本所造行療治彼疾姪怒惱憐究盡其原以等智滅姪欲此是涅槃之智如實不虛譬如有人受衆苦惱無能度彼人亦不可療治現病原平便作是念境界微妙如是所生皆悉修行除去陰蓋斷諸結使譬如有力士之土種種病根無能當者未起方便意彼亦不可療治有如是患姪怒癡以盡智使得歡喜猶如有人常畏險難之處彼有種種苦惱亦疾彼若見一浴池清淨無有塵垢挾池兩邊有清涼風起魚龍遊戲視水見底虛空清淨亦無雲霞優鉢拘文陀華悉滿其中枝葉華實皆悉在水中生有

僧伽羅刹所集經卷中 第九卷 樓

是種種微妙樹生其中有見者皆懷歡喜心然此人於彼浴池除去苦惱亦無飢渴得是歡樂所為已辨於彼浴池底有微風起觀察是時若於彼若若若時彼世尊亦復如是本所造姪怒癡皆悉除盡於生死現如是浴池何者於三界所生衆生拔濟苦惱皆悉成就以為橋梁復以等見猶彼清涼浴池等三昧清淨未曾有移動等志猶彼魚龍等解脫顏色無比等方便猶彼優鉢拘文陀華觀無有歇等念智慧猶彼重重雲世俗三昧不以經心大衆圍繞若得彼浴池甚受歡喜彼於法浴池中洗浴若飲所有姪怒癡永無有餘亦元衆患亦無飢渴成就如此法復以斯法惠施衆生至涅槃所所作已辦亦無恐畏到安隱解脫處念樂至無餘涅槃界復以善法使衆生共是時佛世尊坐不移動於是便說此偈

日夜所造行欲使衆生安究竟懷歡喜無有若干苦况當長在世衆患常逼已不以苦盡智離俗至彼道

僧伽羅刹所集經卷中 第十卷 樓

余時世尊有元生智所謂彼無生智者我以知苦更不復盡苦以盡習更不復除習以盡為證更不復作證以行修道更不復修道以是之故名曰無生智也是故无生智枝智大功德大事興滅本末猶如程穀子隨時灑灌與共相應稍稍長大隨時茂盛或時不生世尊亦復如是識子為智火所燒各各與相應除生死原識處元欲亦不常住諸行已盡於其中間所起心垢不可思議心所造更亦不造於是便說此偈

諸起無生智諸佛所擁護覺知苦原本起諸苦惱患彼智无怯弱清淨而無瑕於彼坐道場無起无滅意

余時世尊布現於戒起諸村落城郭人民皆使奉持禁戒具足其有犯者不與彼相應消滅惡心與彼相應與十善行相應使淨眾生成同功德如是眾德成就在眾有是功德无眾乱想於中力勤行前所誓願皆使獲果不歡喜者皆使歡喜前於諸佛所造功德得歡喜者重令修行未曾有出

僧伽羅刹所集經卷中 第十卷

○僧伽羅刹所集經

世降伏外道解脫功德為慚愧者皆安隱之已威儀札節故於現法中而盡有漏斷其根本更盡餘漏而不復生與道相應作如是說使梵行久住天人得安隱彼教誡語皆悉受誦諸比丘隨其所犯皆悉避之作如是語已盡擁護猶如孔雀擁毛犍牛護尾於是便說此偈

如來結禁戒為法而布現第一樂奉行猶好戴天冠設有住彼者得此三昧意無有犯此者如海不過際

是時世尊有如是微妙之首牢堅无敵漏觀之無狀不可沮壞猶如團蓋觀內毳相無比无有能見其頂者無有能攝其相彼有微妙眉段善生善分別者最細青色極微妙於是便說此偈

釋梵及世人盡集觀生時皆悉在其上無能見其頂本不起輕慢得為釋師子由此行報故得是頂上相

余時世尊有是微妙之段善生在頂上各各軟細而生無有參差亦不乱錯各各齊等螺文右旋諸相具足善

僧伽羅刹所集經卷中 第十卷

住如是色相極軟細輝耀光生其光徹照元與彼等者猶如藕莖絲極軟細無能度其上者亦不可沮壞其有眼見者皆獲安隱福報為第一善香種種重皆是眾行具足有如是相滿行所行成無上等正覺於是便說此偈

軟細無長短段如紺青色如來顏清淨如夜清月現種種香遠布聞香悉分別細軟風吹香猶彼羅旃檀

余時世尊有如是額牢固如金對極平正亦無有皺方正其有觀者皆懷歡喜而無厭足亦不黠汗亦无白黑慶所充滿所行業不歎漏見者歡喜无害意眼淨無瑕眾入見者一切告釋無數百千行所成辦然後得如來額余時即說此偈

微妙極清淨盡脫諸惡行佛額不思議如象牙在水彼所說言教如來額无比如虛空清淨人見皆歡喜

是時如來有眉間相窈窕明曜慶面門中猶牛乳色極軟細猶如白鵝練白雪色如日初出如拘文陀花色極白無比如秋時月極清淨右旋亦不

僧伽羅刹所集經卷中 第十卷

第五四冊

八一

太高亦不太下一切無量尋其有觀相無有衆病長與肘等極微妙色不思議放光已還復其慶皆是本行所造猶如此面微妙於大衆中而說法教於是便說此偈

種種百行造如來眉間相此是極良田亦是本行報不廣亦不細右旋色微妙出相與肘等三世無不見如來眉間相清淨无衆瑕猶如安明山於衆山第一於諸法自在能淨衆生類如是面滿相無過眉間相彼色行所造解脫元有比已誠意垢火衆生同其淨

亦時世尊有如是微妙清淨之眼猶如彼百葉華色華葉各離無幽不照猶如虛空優鉢青文陀羅花色眼睫極白猶如鴈王而無有異極白元比寂為第一觀四方刹皆悉見之於其中間皆悉見彼刹有形之類皆悉分別彼無有欲亦不卒暴无有瞋恚亦不與瞋恚相應觀彼刹土善惡之行所有微妙之事亦能觀察亦无恐懼驚怖之心修行慈得悲不邪視於一切衆生亦修喜無有厭足以守護諸

當以羅刹所集經中 第七卷 終

善法一分別法遍滿一切刹彼作如是知觀無有惡无懈怠於是便說此偈眼淨極微妙一切不可沮百福之所造然後成如來善法極清淨亦無有衆慙面色如天王是甘露出現法相亦具足亦无衆慙患亦如彼明鏡面像於中現觀彼衆生羣視之無厭足然後成正覺演說甘露法

是時世尊有如是微妙鼻本元數百千劫生中起是種種智慧皆悉分別於生死處拔情愛刻欲度到彼岸欲拔一切受剌為世人民勤行如是苦行以惠施人或戒而度脫人皆是本所造一切義具足無雜穢瘡瘡瘻猶如金聚色軍第一明欲得到彼處者心所愛樂亦无欺詐於彼布現一切取要行所造於是便說此偈

微妙无雜穢如來鼻第一猶如鸚鵡嘴是故歸命之當在面門中衆生所宗仰彼鼻如是妙如頻頻陀花

以爲典

是時世尊有如是齒無齟漏平正无高下猶如白雪螺色亦如彼拘文陀羅花色有此微妙色極清淨行具足

當以羅刹所集經中 第七卷 終

有光明慈脫諸惡行猶如金野不可沮壞牢固如來齒四上下各四牙齒上有千輻輪相於是便說此偈如來齒平正說法極微妙無缺无落墜猶彼提勒華眼淨極微妙善色无變易釋種種此德方齒四十具

是時世尊有如是廣長舌未曾有虛善色不可壞如阿舒伽樹華華葉極軟細滑亦無麤言穢語除去姪怒癡患生安詳屬歡喜愛樂禁戒成就有所宣說無不得度者以法智清拔貧窮於想味姪怒癡得解脫皆是本行所造如來舌相皆悉覆面甚奇甚特於是便說此偈

百福所造行如來舌第一齒唇平正常吐甘露法若得若干味妙色及不妙恚能分別味次第不失序

如來是時有如是言教說有漏行善音響無廣穢言辭功德等具足功德无量有常無常行志性无怯弱甚深无底色軍第一所說言教終無有煩義義相應現本緣起善分別法方便隨時教化衆生無有瞋恚自在嚴身

當以羅刹所集經中 第七卷 終

息竟為樂供養智者嘆譽名稱各與相類猶如鴻鳥樂彼洲池諸有連百千苦惱者皆救濟之使衆生類悉得歡喜於生老病死度到彼岸無怖望想得軍勝行心無衆結現諸善行得未曾有行以於彼水无有恐怖度一切生死嘆譽禪德功德微妙壽命滅心意至涅槃界得甘露法滅一切生死哀指授善惡聞者不懷怖如光不可蔽於是便說此偈

以法御示現供養佛所行以忍之力勢如彼華開敷飽食甘露味盲冥不度彼能食此甘露得度生死地

今時世尊有如是譬所說功德亦無麁獷猶如鵲鳥音極微妙聲微四方層轉聞教於衆生類有是力勢亦不出衆外皆悉聞淨聲悉是本行所作如梵音如哀鳴今時聞有五種聲甚深無底所有言教降伏外衆猶如彼龍敗本所習往古有如是色極妙无怯弱若以眼觀察而知之無所染著息心與味相應數數息心無狀足亦不相違不與瞋恚相應此皆行報功

僧伽羅刹所集經卷中 第十七 讚

德所致故曰樂沙門有如是心依彼心有如是五種曾聞水清聲聞已歡喜况當今聞如來言教長益善根聞音響歡喜長益解脫於是便說此偈聲響亦和好佛音息心樂善勝來聽教功德無有量諸有聞音響本行之所生已能覺知彼降五百孔雀

今時世尊有如是面甚清淨无瑕穢極端正無比善眼觀无戢耳垂睫脣如朱大色如天真金齒極白微妙無極平滿無點汙亦无瘡癰亦無愁憂无有衆惱觀者皆歡喜其功德不可稱量有第一香本所造行猶如月滿極淨無瑕穢寂尊第一若結加趺坐與大衆說法前後坐者皆見其面若從禪起先與衆說法於是便說此偈一切歡喜樂欲觀如來色以得見如來指彼月盛滿得利第一樂無過如來衆三五月盛滿等說如來樂

是時世尊有如是頭善生牢固極端政無比无有高下與自身相相稱色最第一猶如那羅延天八臂力不可盡滅彼愛所與金色相類彼相取敬

僧伽羅刹所集經卷中 第十八 讚

妙善色極妙一切無量于是便說此偈

滿足寂微妙漸漸緣彼行如來有此頭輝煌耀無比一切無能害發意於如來三界衆生類歎彼如來德

今時世尊有如是臂善生無比如彼須弥山肩亦微妙無與等者无高無下極軟細猶如婆盧樹王軟細不可言如瞻旬華軟細不覆所生軟毛色極青各各右旋極軟細一切觀者皆獲歡喜極微妙申手降伏魔地證知我於是便說此偈

猶世伽鳩樹降伏諸魔衆臂如金剛杵是故歸命佛為三界唱導為法所光照彼意无有量歸命寂勝前

是時世尊有如是手極自柔軟善生無比亦不壞敗无軟漏泄具足滿猶高山峻手有千輪相指間連膜爪極白淨如日放光如優鉢華皆悉數華葉軟細若說法時衆生聞者无不得度言常隨時於本所造生處光明徹照手掌解脫若得慈悲尋光明來皆悲得度善分別衆生速惡就善與衆

僧伽羅刹所集經卷中 第十九 讚

生說法於今生處得慈悲喜護欲除不善行修諸善行告衆生曰一切皆苦莫受彼塵垢慮患生死衆生清淨使得怖望欲除彼幻惑若彼坐禪時一切魔衆皆起彼所種種車乘驢騾駱駝象馬羣牛禽獸師子狗猪羊或作馬頭種種形狀帶刀張弓執箭或撞鐘鳴鼓盡作魔衆形欲來害三佛是時世尊以指按地此地太好山林城郭泉源浴池種種泉源皆有珍寶滿彼浴池或盛金鉢中有力士扣彼鉢便有聲出手撫法輪極妙無比於是拜手佛便說此偈

第一清淨業轉無上法輪如來手微妙極妙无有上彼手應撫轉法輪處在一不見彼住處不見有試者若轉法輪時隨彼衆生義以轉此法輪衆生得安隱今時世尊有如是身極方正無缺漏禁戒成就如師子脆功德經終上下相稱如優鉢華色亦不壞敗甚深行時右旋不高不下極軟微妙皮毛皆右旋倍微妙無比猶瞻旬迦迦香亦不少亦不老無有不與彼相應不與

僧伽羅刹所集經卷中 第三十頌

瞋恚相應諸根具足世未曾有漸牢固極微妙不緩不急金剛之體善分別衆生其有見者皆發歡喜心觀元祇足圓光七尺猶安明山在大衆中猶若象王於衆中軍為第一猶那羅延王一切無能害者於是便說此偈於百劫造行得為人中上今得此色身今亦無患等以滅姪怨癡諸惡永以息是故今稽首使我後亦令設起姪怨癡尋時能使滅今觀佛顏色身無衆惱患今時世尊有是臚髀上下俱等吾生微妙無比无不平處使人歡喜與身相應於是便說此偈

臚髀清淨妙第一無有比其有觀見者无有諸取微微妙生軟毛善住如金色更不受餘趣觀此最妙色今時世尊有此轉勝如是生圓漸漸臚細與身相稱如度踰腸善无清淨無與等者於是便說此偈如來轉微妙色亦無有比當觀一切相一一難稱量當覺彼如是一切世所稱設當滅度後是故歸命踰今時世尊有如是足行步安詳若住

僧伽羅刹所集經卷中 第三十二頌

不移亦不搖動極微妙細足指長百福相具作如是苦行然後得之往詣道場為世人故欲度脫之其有聞音者猶彼龍王善眼不移動於彼三耶三佛所行功德功德百千倍瓔珞微妙光影無比從此以來有如是功德故拜手說偈

受念不可害今礼世尊足亦礼如來頂如來解脫衆其有得此信於彼家勝前白分極細滑是故歸命尊

今時世尊有如是輪極圓亦無雜穢亦无廣積甚深有千輻輪其轡柔和身具足滿諸根不缺造大行業以四事聖轉輪相境界具足三元怯弱心三猶如須輪以手郭月而無有光口設放輪便有大光猶如春時无有塵埃虚空之中亦无雲塵今時於夜半无有結使月滿月放太光此亦如是轉輪聖王本無如來之相於是便說此偈

人生壽百年常滅其時節有是聖輪相猶彼蓮花敷亦如安明山第一無有比種種之所致如來所修行於彼擇宮殿

僧伽羅刹所集經卷中 第三十三頌

來告今已至諸天所嘆嘆如來應轉輪
若能覺知此觀彼少處所各各有一心
無有能過佛志性甚牢固放光悲徹照
日輪所照處普度衆生類

余時世尊作如是遊步先舉右足踏
地不遲不疾行步平正亦不卒暴猶
彼象王而無有異行步堅固世尊身
不搖動猶如羅延天是時世尊諸有
高者為下下者為高諸有小尸自然
廣大如來身體未曾屈申皆是前世
無憍憍心諸有樂器不鼓自鳴諸有
瑞動之類皆獲安隱皆是前世修行
慈心於是便說此偈

彼有大神妙無畏有此德住處受善色
破壞對強者彼已捨憍憍寂覺自所覺
無愛欲微妙住處受行報

余時世尊有如是迹千輻相輪現極
微妙諸根具足色甚奇無比於人中
軍第一生諸歡喜百千劫所作行福
所致无虞殲除去姪怒癡本所作行
無有為詭无有衆惡不與癡相應不
造癡行有如是名稱志性質直所作
無怖望不懷狐疑意有所滅除去怖

增伽羅刹所集經卷中·第三十二段

望行无缺漏心無念此功德遍具足
十力成就除一切急於是便說此偈
室勝有此德種種行所作分別行地業
如日出照明放輪隱地現心意所觀察
當自歸命佛如是說印地

余時世尊如是笑作如是因緣本行
所造惡彼衆生故便現如是笑是時
世尊笑時有是第一柔軟淨微妙
所聞經耳見佛笑無塵垢清淨无瑕
本所修行亦無虛言猶如優鉢瞻伏
華有種種香布現甘露語種種光第
一微妙心能分別余時世尊身作黃
金色猶高山峻繞彼三匝生阿迦膩
叱所於彼天宮諸得信者承受如來
教誡無所違失是轉相告便歡喜於
如來余時世尊本所造行於是便說
此偈

青黃種種色口演華戒光出要如來身
天人所供養如來眉間相三因緣無比
至阿迦膩叱來至如來所

余時世尊有如是光皆是本行所造
身後有是光極妙善解脫光寂第一
身體有光見者歡喜種種光明瓔珞

增伽羅刹所集經卷中·第三十三段

其身諸有塵垢羅睺阿須倫所不能
障五結解脫除去愚癡余時世尊現
甘露使彼衆生得遇此味自然神足
不可思議於是便說此偈

身體善解脫無有能沮壞十力有此光
愚者所不見如來有神足示現衆生等
大光蔽日明是故歸命光

余時世尊有如是衣不高不下隨時
著衣滅生死原草穢不著衣服境和
悅所至到處皆悉歡喜有如是果實
是故尊者難陀衣當鮮明及諸比丘
在世尊側著僧伽梨無有能汙如來
衣者是時尊者難陀嘆未曾有往白
世尊欲知著衣之法世尊告曰云何
難陀本無如來長夜出世云何除衆
生姪怒癡垢永盡无餘便隨彼教設
當作是成就者隨藍風不能動此衣
塵垢不淨於是便說此偈

如來所著衣自覆身形體蓮華不暑垢
此衣亦如是若隨藍風起力勢難可制
欲動如來衣誰勝十力者

余時世尊如是乞求諸豪尊家不擇
卑賤皆悉周遍无有邪命不俯食不

增伽羅刹所集經卷中·第三十四段

瞻星宿卜問仰食不受信使往彼舍
不觀四方食不呪術幻惑食不田業
依倚食所以乞者救濟彼故無希望
意不添著食余時世尊食元有更樂
所有添著觀如是業而受彼食亦不
貪著無姪怒癡亦無迷惑除迷惑心
皆捨離添著心不與共俱以捨彼欲
愛不可沮常愛樂彼以憐為食亦无
我想苦皆悉捨離現非義此身必盡
以知捨離三事清淨無姪怒癡今去
何食欲現此身元牢固故長養其病
使大不起皆悉除盡不生乱想布現
甘露修梵行故痛壞敗不造新痛以
是故世尊受彼信施食彼果身所
造報欲使安隱擁護世人於是便說
此偈
慶慶家家乞欲使得正法於彼園觀處
如六足^也食味不擇食好醜不生善惡意
彼不可沮壞心欲味解脫
余時世尊有如是卧牀山巖穴露
坐園觀水側泉源種種華果茂盛慶
使樂元比無人之憂欲求解脫於彼
止住解脫諸惡亦無陰蓋人所不到

僧伽羅刹所集經卷中 第三十六張

慶無恐畏去離色著常樂寂靜與眾
生說法廣說如契經於是便說此偈
樹木生花果湯都花園觀分別樂閑靜
青青花葉數於彼衆解脫是以依彼慶
若諸閑居時無聲元乱想
是時世尊以草布地無有塵垢不著
裝飾極細軟滑善生微妙若見彼影
觀無厭足皆悉觀察不高不下作是
思惟展轉相依名色六入現彼無有
盡或以草布地有數降伏彼故布草
而生無有欲想以草為薦亦无結使
皆悉清淨古昔諸佛所造功德亦無
所攝元貪著得證通多所迴轉亦無
眾惱生諸結使草齊整亦不錯乱依
彼眾生亦无陰蓋得三昧證通以右
脅著地不久睡眠尋起經行而修行
道以無覺三昧故右脅著地欲降然
敵故昇踊于座著五細綵現色非真
沙門色形无所添著而修梵行依彼
眾生求解脫心於是便說此偈
無根善眾生輝耀之功德心所造善行
心皆自覺知善哉大法義元能得勝者
今於如來眾以草除欲愛

僧伽羅刹所集經卷中 第三十七張

余時世尊云何覺知諸根所謂曩昔
作如是根氣味與相應以道故生此
根降伏顛倒欲使諸根順流與生死
相應此諸根起不淨行而修餘緣此
諸根貪著世間亦深著於樂此諸根
起諸力勢一切結使熾盛此諸根驅
逐身流轉不息此諸根不成就大義
此諸根迷惑經歷諸境界此諸根猶
彼劍刺傷害此諸根若惱此諸根猶
彼瘡癰漏諸結使此諸根猶如疾病
無有力勢此无有歇足恒求不止此
諸根不休息數數起結使此諸根猶
如毒藥不斷苦本此諸根不被訓誨
與諸惡相應此諸根不截匿境界劍
刺所縛此諸根無所護氣味不具足
此諸根無有心流馳境界斯諸根不
修行欲大兩然境界長益此諸根有
諸苦惱遊他境界一切身心有苦於
是便說此偈
根滿境界中為惡所將御彼心常熾然
猶如熱鐵丸如來教善我將至安隱處
無有諸根患元當有境界
余時世尊云何覺知心所謂依境界

僧伽羅刹所集經卷中 第三十八張

生便長益此心亂想不定此心猶如疾風此心不疲歇焉惡招致殃此心速馳猶如夢想此心貪著境界猶彼猢猻此心自然行種種貪著猶彼孔雀翅常自顧影此心馳走速思惟財業此心起諸陰蓋亦如野馬疲歇不得此心難制御於境界不住此心猶如王常得自在於是便說此偈
第一甚深妙心知無有根夜叉須臾皆三世不能覺彼得是自在自然有是念世間無有明我為作法光
今時世尊太何希現覺悟世間所謂世間無所恃怙貪著已身此世心无所依貪著境界此世惡業依種種邪見如是此世自然所造此世墮邪道流轉趣惡此世憂惡趣猶如猢猻此世無有照明為五陰蓋所覆此世盲冥不起智慧眼此世飢渴渴受无厭此世熾然種種結所縛此世少味猶蜂採華此世無所依便當壞敗此世速遊乘輪而行此世繫縛而覆生死此世眾惱生老病死至此世非妙必當壞敗此世無救護為痛所逼此世

增補所集經卷中 第三十九卷

非已所作必捨之去此世機關展轉相依此世種種行將引惡處此世如幻化而現色像此世無益生彼壞敗器此世輕舉所依不成此世難覺悟無有境界於是便說此偈
眾聖遺苦惱觀世無有世以智慧求道當親近彼豪漸漸從小益欲得受其命此必當壞敗是故滅為樂
太何於此生度泥塗猶彼池水蓮華子於其中間萌芽生漸漸長益此亦如是五味皆死以識處往生有為行所造圍繞為風火所成為惱傷水所灑受死於其中間生萌芽猶如彼萌芽生此亦如是萌芽生是故非斷滅常住猶如彼先觀萌芽此亦如是彼眾生縛著是故非斷滅有常猶如彼地為風所吹此亦如是四大牢固受諸苦惱此亦如是是故一切自然猶如自然不壞蓮華生萌芽是故一切非自然一義所習猶如彼外四大為風所吹更不復造此四大亦如是是故一切當捨猶如於彼有生眾行此亦如是是故彼法猶如彼萌芽與子

增補所集經卷中 第三十九卷

相似此亦如是大人之相不可毀壞如是性所造猶如蓮華子生萌芽是故此無數亦不有生者猶如彼萌芽生時無有來處此亦如是是故无來無去猶如彼去時无有住止處此亦如是是故无住處猶如彼萌芽俱長益漸漸敷花此亦如是無高无下猶如彼蓮華萌芽必當長益此亦如是本所造萌芽於胞胎中漸漸長益猶如彼蓮花茂葉甚可愛欲此亦如是所造眾行甚可愛欲猶如彼熟時此亦如是子欲熟時駝毛瓜齒及五根皆當捨離六情衰耗意根解散捨此身猶如彼華必當大熟猶如日光色香甚微妙蜂王所遊行甚可愛欲此亦如是初生之時四大日光所照勇猛胎所覺與彼德相類是故惱傷皆共相依甚可愛欲欲飢渴生死謂欲為樂彼愚癡者有如是顛倒之想此亦如是一切時節不脫老死猶彼時節無有力勢為熱風所炙盡捨離之華實各離亦无所歸亦復無歸亦无鮮色無樂彼者此亦如是漸漸耗滅於

增補所集經卷中 第三十九卷

此生中無有力勢誰有命存內外皆損減无少壯力皆當衰逝無有莖節無齒無无見無聞无味無香无細滑亦无更樂身體壞敗所有憐憐皆除盡亦無味老无熾盛意已越色皮緩面皺無少壯力已有是老不愛種種色壞敗男女眾所害而愛者彼猶彼枯朽亦無有香各當散離此亦如是命根已盡當載向寂闇猶如彼蓮華子熟後復生萌芽此相亦如是數數受有猶彼壞敗花莖想眾生類於是便說此偈

是故當棄有亦當觀此華猶彼生胞胎懸數當求滅欲求生萌芽知樂空无有欲得到彼象當從自忘榮

世尊海者其義云何所謂第一度眾生到彼岸思惟无量增蓋功德清淨无瑕有大智慧解脫無然恨心第一得解脫以善覺觀不離善報名聞速布智慧普至種種香遠布猶樹茂威七覺意實分別無常共空无我已度智慧百福具足常入三昧无有乱志勸助眾生使發善心能成辦一切種

僧伽羅刹所集經卷中 第三十二頌

種三昧於學無學中寂為第一稀現於法未曾懈倦等度平正語言柔和清淨无瑕無姪怒癡於大眾中功德第一普慈一切安樂休息教授境界常念恭敬功德無窮極當於今時世尊九十一劫中漸成此德覺知一切甚深之業欲使一切群生同其一味說法不失時節常與彼相應十力珍寶具足一切眾寶依四無所畏止宿四大為彼眾生故不選擇尊卑已度世八法無增損之心於是便說此偈是故當求度慈勉於道如來海无量是故拜手佛已度到彼處功德福无量已有此苦樂當求安隱象

如來般者何者是所謂善造牢固果報習眾无所遠失亦不歎漏眾行具足諸惡永盡第一甘露禁戒用纏絡身無斷滅有常想已住休息得住彼道常受樂忍不起瞋恚分別五根等見无異想種種清淨解脫空无願無相三三昧具足常深漸愧度彼猶豫憚四等無色三昧種種行悉分別无有限量觀行盡不淨第一忍智常現

僧伽羅刹所集經卷中 第三十三頌

在前雖有覺想皆悉不淨常念遠離金剛三昧而市現之無量方便欲度眾生覺意珍寶與智相應修作出要道無生老病死患更受胎欲度眾生於三世行具足不可沮壞不樂一切世俗觀一切相欲得捨離如是无增減心於度一切眾生以十力之船長夜度眾生使度彼岸常有此觀不為已身第一聲聞入遍觀三昧作種種觀承事供養繒幡花蓋以三三昧為佛印以令旃檀塗身五通徹視種種者速布以四無所畏為螺鍾鼓具足无歎漏無常苦空无我欲得離生死海降伏魔眾皆使碎壞盡无為憂分別法想一切不受不度者度得滅識屢無苦樂至涅槃乘福車為四部眾皆使歡喜踊躍不自勝以善身口意十力船載眾生皆得至一切甘露涅槃處於是便說此偈

無數劫苦行而造福德於善趣安隱處為三世救護彼歡喜之心疾度生死岸一切悉當終盡當有是樂余時如來有如是目所謂禪四等具

僧伽羅刹所集經卷中 第三十四頌

足之行無礙漏元釋行善。一切戒名稱速布種種。生善皆悉。仰使得樂。心得歡樂。無數百千劫修行苦習。盡道現第一。義以智慧。照明除愚癡。冥消滅諸苦。遊彼象中。皆悉成就。十力無畏。勇猛意於三千。世皆盡破壞。慈護不度者。智不破壞。今時此尊於彼現日。明無漏行具足。乘大乘車等。御元畏如風吹帆。以念車皆與彼相應。而現在前。以等志於彼。所有皆悉具足等。三昧思惟。一切衆生類。彼於三世具足。異從悉承受。其教意無欲。慈癡憐憫。捨諸結。使天人衆以花供養。元有五蓋。以信財布現。一切衆皆使覺知。無有塵埃。諸結使无尋。如是世尊為日光。明於是便說此偈。

百智已具足。於彼衆無礙。已現三世光。是故拜手光。無數百劫行滅。愚盲冥癡。已能度此岸。當拜手甚目。

如來蓮花者。為何像貌。所謂第一。功德所成。於三有得度。有信於衆生。清淨等智。普悉周遍。以精進力。得度彼。

僧伽羅刹所集經卷中 第三十五 張 持世

岸消滅雲霧。憐憫皆悉。得度念解脫。無衆想。以觀息。彼種種穢患。亦无異。意等見。滿足。悉成辦之。皆悉覺知。以戒之香。香聞四遠。以清淨光。壞衆生。類猶彼蜂。衆嚮若千種。悉分別了。於三有等。得解脫。衆生皆得。憐憫望種種。方便欲安隱之。甚妙觀。无厭足。一切根無輒漏。於息心。衆中姪。慈癡憐憫之。思更不憊。盛極清淨。柔軟而得度。呪於是便說此偈。

清淨之所生。供養花無比。無數功德具。微妙第一。欲得休息。樂衆生得清淨。已能覺知。彼謂呼常有聲。已之所嘆。與世而相應。微妙第一。色善。取為妙。人中為最上。世人所嘆譽。我今拜手。礼無著大神仙。

今時一切智。有如是雲。所謂九十一劫所造行。思惟不淨。神力所制。所說無有異。盡諸欲。愛无有慈。憂於諸二味。得到彼。震以大慈悲。為一切衆生。使得功德。百福具足。使彼得休息。心觀而觀。彼於人民。須輪鬼神之衆。於三世而行。慈皆使得清淨。陸涼得解。

僧伽羅刹所集經卷中 第二十六 張 持世

脫門至要之。處復以智慧光。洗彼清淨人民之衆。下至男女。皆使得善。於彼遊行。得諸忍業。得甚深法。善衆生法。而種善根。衆生飢虛。甘露之味。憂彼不得度脫者。以修行之法。使彼覺一切有為。行皆悉無常。苦空。一切法無我。涅槃為第一樂。等度此苦。樂善。悉分別言語。具足於種種。衆中稱揚。善法。種種解脫。根姪。慈癡憐憫之法。盡捨離之。以無畏。金對之志。度彼勤苦之患。於他衆中。使受正法。有恐怖者。一切智。皆使慈一切。一切患。施無所著。是故拜手。礼雨甘露。於是說此偈。功德出。照明。十力雲。無比當餐。歡喜心。說甘露除渴。已得无所畏。是一切智雲。已有降伏外。是故食甘露。

今時世尊有如是火。所謂彼未行人。民之類。皆求喜樂。解脫得四等心。所未已。度第一。義具足。與智相應。一切遍三昧。有是神力。種種名聞。諸根力具足等。至甚深。已有此力。無數百千種。此振戒一切法。得自在。二世家尊。以十力。威神得無所畏。是第一解脫得。

僧伽羅刹所集經卷中 第三十七 張 持世

第一光明第一空寂有如是之德布
現深法於彼衆生類訓誨使行忍度
諸瞋惡言語柔和無所傷損滅一切
結使於學无學於四部衆善已修行
指授苦報如是彼功德極無量智成
就發趣於涅槃門而得供養第一尊
重潤及衆生是故拜手礼佛火於是
便說此偈

能焚燒草木火取無有崖佛火第一妙
是故當拜手佛火以滅盡苦樂不復起
猶有遺功德流布於世間

今時世尊有是因觀極柔軟禁戒成
就於彼處所無有五蓋亦无石沙微惡
亦無呌山一切諸法根本皆悉得自
在大慈悲清淨无有垢穢極自娛樂
等度到彼有如是思惟功德諸行淳
淑力勢所為成善根本亦不移動於
法忍無狐疑等見八賢聖道悉具足
得諸供養无数百行不可稱計成三
昧具足十力悉無有疑諸陰盖解脫
清淨誓願已果枝葉繁茂於彼生花
實生若干百三昧林悉皆茂盛等見无
邪見憚無色而自樂身慈悲喜護常

僧伽羅刹所集經中

第三十八卷

律

如衆生於其中間分別七覺意息心
第一果漸愧因繞常念惠施未出要
故有是清涼雲以力拔諸結使有此
勇猛欲得解脫功德不可壞善覺集
在彼除彼衆生姪怒癡得無所畏猶
彼阿若拘隣舍利弗大目犍連迦葉
迦旃延子阿那律難提金鞞羅難陀
離越於彼聲聞園中為聲聞三功德
無比浴池清淨一切布善三世所共
是故拜手礼頂於是便說此偈

善興三世護為彼萌類故覺意花財身
解脫果成就聲聞衆中王生功德無微
當示彼樂處必獲女樂處

今時世尊有如是空意同一色廣布
無邊故曰為空斷諸欲愛一切无所
住以智果報一切潤澤無有諸結亦
无諸盖以三昧愛度諸塵垢善出要
以解脫清淨月善光以功德無量意
專一生業修一生梵常懷歡喜智慧
眼清淨而境界淨斷諸結使故无所
著已得大慈故一切無處所分別意
故種種得成就得供養故不染於結
使依彼心故不以淨不淨染汙其心

僧伽羅刹所集經中

第三十九卷

律

依彼聲聞衆種種為園繞止觀具足
故極微妙不盡三昧林故星宿衆圍
繞以正法降伏外敵故難以為時匹
當作是觀猶如有人得歡喜究竟其
業必不有疑退轉本處於是便說
此偈

歡喜念愛樂無有結塵垢此有若干色
復能悉分別一切得等意欲作是稱譽
已到越彼岸無有喜樂心

是時世尊有如是輪意止長足根力
覺意無有微漏皆自在嚴四神足寂
第一四意斷善莊嚴身善口說教達
市七覺意等見而得解脫以止觀无
有癡愛已度彼三昧得無所畏為師
子吼无有恐畏辨才無尋得信歡喜
精進无懈怠念境界得度彼智慧解
脫遊彼魔境界无有欲愛功德具足
消滅諸惡趣三乘果微妙第一善成
就滅彼魔衆三欲永盡諸有悉憂苦
然未盡無餘亦无有憂亦無五盖亦
無瑕穢依彼身盡捨離除去狐疑无
有愚癡有覺有觀亦無憊憊隨時興
起亦無顛倒永除邪見有威力歡喜

僧伽羅刹所集經中

第四十卷

律

滅結使降伏魔衆於是便說此偈

一切人供養救度衆生類無護爲作護
魔前轉法輪彼輪無有等天人所嘆譽
已有此名稱彼寂爲第一

是時世尊因何金剛降伏彼魔所謂
余時世尊乘乘戒車被邪苦鎗有諸
忍力以大雲爲清淨幢蓋以无結使
執無欲擁執持等見緣四憊愛憊得
解脫清淨等志等語皆悉清淨以辯
才智神足在嚴自專其意解脫牢固
無姪怒癡以覺意解脫明熾然一切
具足无有三愛度一切結力勢不可
壞至涅槃海無世俗患以智慧金剛
復以智業滅諸惡趣十力解脫四无
所畏降伏本所修習行無敗壞一切
種種色像皆悉成就滅諸魔衆亦无
所著於是便說此偈

種種來惡畏金剛精進意降伏彼魔衆
及餘諸塵結諸有生有想結使皆永盡
由是三昧行故歸牟尼士

余時世尊云何以法雨而雨之所謂
轉不死法輪於八部衆中而莫不以此
法百劫所求善行修行於慈轉守固

當此羅刹所集經中 若第二張後

清淨法如是賢聖牢固住於出家之

觀大威神无著復以忍智之力皆悉
牢固解脫門若干種珍寶瓔珞本願
所追還有其方便住其東方微妙之
處於彼貝多樹下極端政諸天塞虛

空向東方坐觀察是時佛爲妙亦有
中間作如是歡喜之散花而嘆觀察
是時若須倫之衆聞如是之德及諸
神仙昔佛所造軍勝幢蓮花稱佛銀

光佛隨葉佛於彼大衆心得第一自
在今時世尊釋迦文一切智諸天衆
歡喜皆是本佛所造彼猶如轉輪聖

王於境界而得自在世尊亦復如是
於已無漏法中而得自在猶轉輪
聖王自在境界衆生之類共闡諍者

悉能斷絕佛世尊亦復如是於聲聞
中其有衆生之類有狐疑於法者皆
悉能斷猶如彼轉輪聖王無財寶者

皆悉能施佛亦如是諸之賢聖寶者
便以七財而惠施之猶如轉輪聖王
外道衆生以示正法佛世尊亦復如

當此羅刹所集經中 若第二張後

之佛世尊亦復如是出現於世時於

生死牢獄便悉脫之於是便說此偈
法王爲第一衆尊无過佛愍彼衆生類
三界佛覆護可事可恭敬欲度不度者
如是功德者佛覺不覺者

余時世尊有何城所謂四賢聖智慧
正觀於彼戒定地善相無爲行以智
慧爲城郭以三三昧爲却敵以解脫

門爲閨以等見爲街巷以念爲牆以
意止爲塹以五根爲堂以禪爲室以
慚愧自障屏指授彼道以神足遊行

不可障蔽以覺意華自嚴飾以諸果
爲行以賢聖第一而自娛樂極安隱
教授彼衆皆悉濟度舍利弗目捷連

有無數衆善想常遊教化善滿具足
所覺皆成就於彼浴池洗以戒爲塗
香辨才點慧以爲法服嚴莊其身以

三三昧爲食以法味爲漿七寶具足
時世尊爲大衆學无學皆悉圍繞欲
使彼衆到涅槃至無畏處亦不退轉
無欲於衆生得无所畏法力具足
諸陰入成就不著於塵垢於是便說
此偈

當此羅刹所集經中 若第四十三張後

諸惡已休息大神仙所制使彼得清淨
十力之所說於彼釋城郭常畏生老病
不至涅槃處皆由衆生苦

僧伽羅刹所集經卷中

乙巳歲高麗國大藏都監奉
勅雕造

僧伽羅刹所集經卷中 第四十張

僧伽羅刹所集經卷下

樓

行長第三藏僧伽跋澄等譯

今時世尊云何說道述於彼說道述
時猶如王大路謂之王路星宿謂星宿
路此迹亦如是至涅槃者謂至涅槃
路彼是等見處所等志等語等命無
有老遠等方便不歎漏等念无量等
三昧色不變易緣彼若干色元有姪
欲亦無塵垢結使永使不起元有色
愛著亦無衆刺欲滅愛故亦无有泥
欲除邪見故等見具足等滅結使故
永不復起彼微妙果故現種種義欲
除憊望故無有衆想欲求出要樂故
若干果成就無著要故等度彼名色
於彼遊行故謂是道一無有二皆得
至彼第一義處所為緣一往者自心
誓願謂一入今時世尊以第一辯而
知道以能自覺知則不壞敗所為業
勝無有亂想果報已獲得諸善根能
覺寤彼衆生便說是道使至无為於
是便說此偈

所與衆生類有道甘露法佛有是功德

於世取第 我於今自得清淨禁戒具
為人須倫說是故我拜手

今時世尊知鸞鳩踏今應受化當於
今時無惡知識言論覺已便往彼道
唯有一人存在血流盈路人皆證知
飛鳥鸞鳩處處食時鸞鳩踏行如
疾風若舉足時群鹿飛鳥皆悉驚怖
馳走是時鸞鳩踏在閼梨園中左右
顧視無所覩見唯見世尊端正元比
紫磨金色方便所為腰不傾曲身體
極軟細行步庠序盡其力勢走逐如
來後是時世尊不改舊行亦不能及
今時世尊便化此地使作坑渠荆棘
以是之故不能得及或有作是說以
脚踏地以是之故不能及世尊或有
作是說化無色四大眼識不可持或
作是說佛功德不可思議然彼鸞鳩
踏力如暴象无能當者然佛威力不
可思議猶彼神龍鄰羅延億百千數
亦不能得近如來是時鸞鳩踏便作
是嘆曰見此未曾有便白世尊此意
甚奇甚特便無瞋恚害意作是思惟
此是誰思德此必是神人猶如此惡

僧伽羅刹所集經卷下 第四十張

世我還此美猶如飢饉有利亦如生
愛念然我不能得及此必是善知識
今我疲極住還語世尊言

當為我身故世所希見聞今亦自見德
顧當小留住

世尊告曰汝自不住方言我住於是
驚疑歸白世尊言

沙門自不住我住言不住云何我不住
願世尊具說

是時世尊告曰

無惡則是住持戒護人長如迦葉弟子
是故汝不住

彼本行少諸惡永盡流血汙體便解
劍捨著一面白世尊言

師今是我護遺遇此聖師求為弟子
不違師禁戒

今時世尊作是故告曰善來比丘便說
此偈

猶彼大海水亦生烟火炎未受降伏者
今應受我化亦有善降伏清淨而得度
亦為我弟子如是不受有親者皆怖畏
及諸妖怪神是諸鬼神處取勝便入彼
是時阿羅漢鬼聞彼褐袍披鬼語瞋

增伽羅刹所集經下

第三卷

恚熾威顏色變異瞋恚火起眼如赤
銅聲響雷振無數瞋恚熾威屈頭鬚
屑振動身體便作是語我於世間亦
不見人民之類能來至我住處者懷

如是狐疑何故彼人來至我所諸彼
鬼神名婆多者犁醯摩披陀為首

使語彼大鬼神言莫作是語佛世尊
未降伏者能降伏之能安處衆生獲

無上道皆使擁護有形之類如是不
相應福田汝今展言惡語不與相應

時瞋恚大盛倍於前是時阿羅漢披鬼
喘息氣猶如火炎規瞻極惡便捨彼

鬼界瞋恚所纏絡身體極黑顏色變
易不與常同口出四牙駸黃如金上

下相又人血汙其形皆濕不乾著師
子皮著象皮著犛牛皮大華鬚如大

火炎手執刀劍撞地而行皆破山岳
移山林拔樹或起大雲暗覆大光明以

水灑虛空聲如雷震便自到住處欲
得傷害世尊種種樹木皆悉焚燒色

變易手執輪雷霹靂震如是瞋恚觀
察如來作若干變化求如來便時佛

說此偈

增伽羅刹所集經下

第四卷

衆生有畏想我志不移動今得解脫法
無有恐怖心處大不畏人亦復不畏水
諸懷惡念者何能傷害我

今時阿羅漢披鬼聞世尊言便自息心
不能得壞彼處恐畏人所不至便降

雹雨於如來上盡不墮地各散在餘
處或復有墮如來身者皆作化易陀

羅華是時鬼神王見此力勢嘆未曾
有便發歡喜意於如來所便作是言

速出沙門世尊便出彼鬼今時欲試
世尊便作是語還入沙門然世尊無

忿恨心即入彼處如是至三廣說如
昇經於是世尊便說此偈

釋及諸梵天無能動一毛况復汝今力
堪任傷害吾汝今捨瞋恚有疑便時間

汝所有猶豫我當事解
今時彼鬼便作是問人何者為上廣

說如昇經今時於現法中便於如來
所發歡喜心而說此偈

未曾見有是如此沙門者誰能捨大海
而就牛跡水當為我身故便作如是說

誰不服此味當捨甘露去如彼有力士
為水所漂溺已拔厄難處女處無為岸

增伽羅刹所集經下

第五卷

善色無有以智者之所觀所有彼義者能皆說此法自今歸命佛三寶寂是尊所以求願者一切得濟度

如是閻摩竭國界五地大神於羅閱城而止大勢羅他擁護人民車乘熾盛土地豐熟賢聖人民皆處其中無與等者食如甘露三事微妙亦无衆惱猶如彼難陀洹園諸天中第一小時佛世尊寧為無比時調達於世尊所常懷瞋恚未曾休息所行非法以是瞋恚故上耆闍崛山園觀熾盛樹木繁茂泉源清淨手執石欲擲如來即便放石是時彼石無有情念猶自能持漸漸墮地彼調達有是非義種種鬼神輩持石欲使不墮金毗羅鬼在耆闍崛山住以己之力彼石欲墮時便生是心此雖惡業然我等夜叉以此之身當辦是事亦使世尊受百千樂若我能為此事者便說此偈

心清淨無瑕起於善義我今沒此身無得害寂勝

今時調達便以石放如來上時於山上彼鬼即以手接石有一碎石墮如

僧伽羅刹所集經卷下 第六經 樓

來上受此報對脚指血出調達受無量罪緣是果報當入地獄是時石墮地時三十三天散華供養以空解脫今時散華側塞虛空於彼受化講堂三十三天盡度樹佛光明遠照無惱憐慈愍衆生時波羅墮時梵志以五百事呵罵世尊舍利弗朋肌奢等比丘嘆如來是時如來若被毀辱不以為感若復讚嘆不以為喜今時便說此偈

受苦心不移猶安明不動息意甚牢固故拜手神仙為他衆生故勿德無有量如父愛其子誰不拜手者

曾聞如是世尊在摩竭國界是持世尊無量功德具足到時著衣持鉢大衆圍繞諸根具足觀察己身亦无衆亂行步庠序亦不卒暴持諸無數比丘衆欲往詣彼當於今時摩竭國王有象名檀那波羅形貌極端政頭生三瑠聲響清徹意欲所至難可制持若聞異聲便懷瞋恚若自願見影亦懷瞋恚無能當前者隨意所欲若彼戰鬪亦不毀其力亦不減少今時世

僧伽羅刹所集經卷下 第七經 樓

尊便入彼城却殿樓櫓埤堦皆悉具足人民熾盛或有愁者或有歡喜者恐言如來欲得親近如來是時提婆達兜欲象于使駝而放彼象是時調達放象已便說此偈

自稱有大力及身十種力今日已集會盡當於此滅

今時世尊無所畏懼便說此偈

伊羅終有千無能勝我者況當此小虫欲害人中上

我於今時無所思想便說此偈

無欲之力勢衆生有欲心以除此欲報亦不懷亂想

復次說此偈

我今雖破壞大象甚牢固我今降伏彼一切世無上

今時檀那波羅慈視如來形顏色極黑見彼象翹尾身體方正觀者皆懷恐怖奔走向如來今時諸比丘象如來恩力順如來教誠當避此惡象各自馳走速如來所唯尊者阿難在如來後無數生常與如來共并既自不惜身命亦不捨如來是時檀那波羅

僧伽羅刹所集經卷下 第八經 樓

象瞋恚熾盛火纏終其身欲言如來是時瞋恚之火漸漸休息廣說如昇經是時以手輪相其微妙無有比今時如來舉手著象頭上以慈悲心無瞋恚之心聞如來語即便涕零頭面著如來足上以舌舐足亦不可移動是時彼象便懷此恐懼形體無有力勢不覺便利然後世尊以此賢聖便說此偈

無有欲惱憐世尊无此塵時發慈悲心必當生天處

今時世尊以此音聲倍懷歡喜和顏悅色於如來所以額鼻著如來足還入本國人民衆多見此未曾有象以降伏歡喜無恐懼之心皆有信樂於如來今時便說此偈

如山不可動况當勝瞋恚以勝彼怨敵猶伊羅末龍有如是之德力勢無有等入中雄師子盡當來拜手如是衆生類無有惡癡心三界伏其名覺意无與等如是衆生類亦有瞋恚愚志性皆休息牢固穩遠布智慈而瓔珞心淨無所著十力悉具足是故當拜手

僧伽羅刹所集經卷下 第九 接

是時王猶如月虛空无有衆塵息心事故辦七神仙皆為瓔珞亦無有塵垢星自瓔珞猶如伊羅鉢所至處雲隨其後種種瓔珞莊嚴其身於彼聞已猶彼神象遊行珍寶亦無狐疑四部之兵人民自圍繞於彼象上舉火象鼻攝持今時世尊在羅闍城欲得見如來便往至世尊所是時世尊見王斯須出須無數衆圍繞王便作是念從速來我宜當自護便生是念已便告者婆見已便作是語汝不活我耶是時王須臾間顏色端政无比出人之上花果茂盛亦無衆塵三部具足猶蜂王音響不善生於彼國觀比丘僧前後圍繞遠來欲見如來見已數數願視者婆告者婆曰慶其中者為是何物時者婆奏彼王言此名肉髻時王復問此自然耶為非自然者婆白王言行果所種非今所造王報言復以何果成於菩薩於本所生於本受胎本所造行本所造身廣說如昇經時王便說是頌

僧伽羅刹所集經卷下 第十 接

況復及餘相願已和悅能仁無怯弱已出此光明照徹十方刹

時王便至佛所佛告者婆曰云何當作是說者婆白王言於是天王能降伏憍慢者便得豪貴處憍慢者便生界處是時王便自思惟是言便作是語此是福田我當行此業耶如我豪尊云何當向彼禮拜彼無服飭我今著王服天冠彼人雖端正心以休息衆相具足無有醜陋彼相甚微妙猶如山不可移動便往至門生歡喜心衣毛皆豎以出要心故无欲之相頭面礼世尊足便作是說猶如世尊有如是色心意得正皆悉成就佛及比丘僧使我優陀耶波陀羅太子亦復如是便問是義歡喜如是語亦說此偈

如海無有造風吹水則動聖尊不可移今觀人中上帝釋來拜手及諸梵天衆我今當尊敬自歸命世尊

是時聞提蘇尼梵志猶如純白華乘馬車弟子衆圍繞出舍衛國欲得試如來乃至車行處便乘車往即下車

僧伽羅刹所集經卷下 第十二 接

步入園中共如來漸漸論義在一面坐是時世尊所居之處不見有所有見如來顏色甚微妙無與等者亦元怯弱有轉輪聖王相見此身體眼觀知如是法如世尊法甚深微妙梵行亦無處所有如是大功德智者所嘆譽而說愛欲元有牢要亦無虛妄是時梵志便作是問云何尊自知行梵行耶為非行梵行為堅立諸根自余知難可量是時世尊告曰若作是等說者亦不歟漏非不有力亦無衆行極清淨元瑕穢修梵行若有人語我等說作是說此義云何廣說如契經是時闍提舒尼梵志復問世尊云何為歟云何為漏云何為行云何非不有力云何衆行極清淨無比有是梵行是時世尊告曰於是婆羅門當行是求愛欲更樂若有梵行者而自覺知苦樂觀眼色如是梵行如是初當求梵行設起想著彼名曰歟計彼衆數者名曰漏意所覺知者是謂非不有力無有塵垢意流馳於中起不淨意是梵行垢故故曰梵行廣說

僧伽羅刹所集經卷下 第三張 樓

如契經婆羅門於我所觀皮所覆中不淨聚選擇見其身我色愛已盡復當於眼而觀眼已耶然婆羅門我觀更樂亦元有行豈當有更樂耶欲染著於更樂受此細滑然婆羅門我觀一切無常豈欲不盡有染著之意耶若婆羅門於此諸法我亦不觀此若男若女皆志分別云何當起女欲想流馳者彼若復婆羅門彼無男欲想復不與女想相應直而起欲想耶猶如婆羅門彼有限齊得出要樂何當憶本所造行耶然後婆羅門諸非義生欲拔濟苦惱出家學道以此誓願而修梵行有七事故不與梵行相應無歟漏亦無衆行廣說如契經若復婆羅門衆生有乱想著不離受欲於彼衆生類云何當作是觀諸有淨想著於此身內盛臭慶欲皆盡猶如婆羅門以水和乳猶如有此乳此合會愛欲亦復如是當作是察筋骨相連內盛臭穢有何可貪猶如婆羅門嬰孩小兒先與甘味著口後飲以苦此亦如是合會起欲想能忍欲苦相種種

僧伽羅刹所集經卷下 第三張 樓

若干百類猶如新死犢子觀其皮乳得多此多指死後皮肉等物此亦如是諸死境界等越度彼觀其相貌便起染著之意猶如婆羅門飢渴之人夢食甘饌飲食便歡喜踊躍然彼人亦無所食此亦如是諸愚癡人貪著於欲猶彼夢元異合會生其念然彼人實無趣善行若男女若有衆變易於是便說此偈

此是非真法 欲怒何可貪 梵志當善觀 苦本難可拔 親近道最要 當斷愛欲意 賢聖八品道 余乃至善處

是時五人逢見如來見已便相告言彼人向此來本所為事今亦不辦廣所見聞隨意所念無有忌難種種勤苦行迷惑未成道術廣說如契經余時世尊便作是念慈此愚惑人自作制限彼制限者無有恭恪心於如來所余時世尊已至彼人所即於淨地坐縛由何生欲療治病余時佛語五人云何汝等而作是語更爭乞食與說深法是時五人不受教誡此法甚苦覺知是時語世尊言汝等六年勤

僧伽羅刹所集經卷下 第三張 樓

苦學道日食一麻一米猶不得道況今隨心口自恣言得道耶食甘饌飲食被珍寶衣隨意所欲自養其身是時世尊告曰云何汝等比丘觀如來顏色有變易耶諸根心寂顏貌端正如今顏像與本容色豈不異乎彼境界過去彼答曰如今端正而無有此世尊告曰若本不得是甘露者誰當於此三千世而得甘露亦聞天阿須輪於大海中須弥山底而得甘露此亦如是於此三千世以勇猛意得智甘露味此甚奇甚特世未曾有百千劫所造行息心最為妙速離名色解脫自在甘露味甚深為彼衆生故而說其法忍甚勤勞未曾辭憚為一切結使故不起塵勞欲開心智故憂母胎以此生死故而究竟其原无滅故不可盡有常故法無常无憂感故樂也欲滅結故更不造新大神仙衆所嘆譽已衆成就然我所行勤苦為一切萌類故今當說法時世尊圓光七尺顏色如安明山三世所宗重一切智所說無所罣碍如是比丘是謂

僧伽羅刹所集經卷下 第五張 捷

為苦本成就阿維三佛廣說如契經天人所嘆光明無有盡是時日晡不現復以此人或以身著微妙衣裳至如來所或著天衣至如來所皆垂天衣種種色不同或瓔珞而墮地者飢虛於世尊甘露是時便說此偈

世尊亦無生饒益天人衆如食甘露味終無飢渴意今日十種力生時世稱嘆當飲深法味已至解脫界

今時如是衆行觀察苦賢聖諦寂初受胎之苦為從何生永處幽冥不見燈明以是之故生為軍苦觀此苦相生為長苦無所堪任長為業苦當筋力成辦有所怖望苦意無厭足欲有所求不獲為苦不充怖望所護為苦起若干方便欲使不失以護漸漸磨滅為苦若干衆惱患至已得度彼岸難有内外人共諍苦親族錢財皆散憶彼難忘苦不離愛欲諸結使苦欲寂為苦以未滅故瞋恚為苦罪行不滅故憂寂為苦无照明故憊憊為苦由意熾盛自大為苦無尊卑意朋友為苦心不分離故受寂為苦味著無

僧伽羅刹所集經卷下 第十六張 捷

狀貪嫉為苦心不開解无戒為苦由憂悔故所見為苦不見真諦故然有一切結自色為苦無所恃怙為苦求果報苦諸樹草木及四大所成共相繫著起諸因緣內四大苦若干變作諸陰持苦由自然故諸入為苦所依不離境界為苦招致外色苦痛為苦燒形體故樂痛為苦由苦而生無苦无樂為苦由境界生想寂為苦由衆生有行識寂為苦緣彼而生老則為諸根羸劣病寂為苦四大不隨死寂為苦更受異形惡憎會為苦共親近心所欲不得此寂為苦亦甚苦取要言之五盛陰苦常負重擔於彼所趣處地獄為苦燒炙身形畜生為苦各相食敗鐵鬼為苦飢渴逼形人身為苦種種非行天為苦福盡必落隨彼界墮三惡趣欲寂為苦憂欲纏絡色界無色界亦元有智皆悲為苦如是為三苦遍皆悲攝持今時以身意行故或以一行而造苦所造行皆悲為苦如是衆苦無有休息因緣不盡當覺知色如是愚者之所為然須施洹

僧伽羅刹所集經卷下 第十七張 捷

究竟其源斯陀舍少有不盡毛髮之餘阿難舍當除三阿羅漢永盡元餘為世現照明今時世尊三耶三佛為衆生類作大覆護便說此偈

無數百衆行常造苦惱業以懷此色難現在有此證彼實是元常解本皆悉空自然法所立常當自覺知

是時云何復生此苦所謂自相境界五根具足若彼自相境界相應知迴轉是故極清淨愚者所不覺不與智慧相應復有利根愚者謂之盲冥世尊與諸聲聞本所造行智慧善根自相合會相如所修苦賢聖諸皆悉觀察云何當觀此生死苦知有苦賢聖諦悉無常牢持而不捨皆悉同一起如是心於苦而觀苦彼寂為妙於苦觀空寂初微妙等度彼處若觀空時彼皆是分散之法自然觀察如是於苦觀無我彼智信所成寂初有是頂法善長益數數求方便等智功德無所憐望三昧林不歟漏外塵永盡亦无所著以想思惟故除去塵埃一切境界苦無所耽壞除去有愛亦无所

僧伽羅刹所集經卷下 第十八強推

畏亦無暴亂顏色和悅自觀境界於彼現光於三世起大燈明欲害彼結拔濟色趣為彼衆故元彼此心亦不懈怠得甘露味分別彼章等度生元故流轉四境界欲照明彼衆生故勤行苦行周窮一切亦無憂所亦元顛倒除去顛倒者甚深難可測於是便說此偈

若明有苦時清淨元量念無味極鮮明人之所嘆譽彼如是之智音響相娛樂觀佛十種力護世衆生類如有見禁戒如來所長益執志如金剛分別一切空若拔愛根本亦無衆苦惱當拜手息心寂勝元有比

當云何觀察世尊所謂有如是無漏智慧彼觀道場處所亦見力勢為世故觀世光明於其中間所修苦行皆悉觀察彼彼衆生觀慈悲心欲使安隱彼無量勤苦觀如是苦行於異境界而自觀察於大衆中觀如來說微妙法今分布義觀其握法若法眼清淨亦觀彼法身元有衆生想若復作是觀亦不言禁戒曾聞尊者名優波

僧伽羅刹所集經卷下 第十八強推

斯有弟子名鉢摩迦往詣摩闍羅境界於彼止宿彼到時著衣持鉢廣說如昇經人未曾見不解彼威儀便入婬女村中彼婬女見此比丘年少端正身無塵埃見懷歡喜欲意熾盛時彼比丘便入婬舍觀如是結使不欲造結如是穢解脫法速得此法果是時比丘便作是語而說此偈

欲如彼毒藥欲為不淨行欲為墮婬色墮入惡趣
作是說已便退而去彼人婬意熾盛為彼比丘故便結旃陀梨呪術語彼旃陀梨如是之義是時旃陀梨莊嚴此女人化作村落之處致比丘來汝觀察此處猶彼釋提桓因宮殿無異夏堂高廣亦元有比莊嚴卧具無數衆色在彼夏堂上所卧之處文繡統編觀此地處種種華香而散其上
一一周匝種種青蓮芳蘭而生其邊作如是觀便作是結呪語比丘言此極微妙可共娛樂時鉢摩比丘報言我盡觀此亦當觀餘旃陀梨言餘何者是鉢摩報言

僧伽羅刹所集經卷下 第十八強推

我今觀果實欲第一苦終當入地獄受彼錢湯惱

是時旃陀梨報言止止比丘莫語我作是言鈴默比丘報言此語是愚癡欲幻惑我我不與尔同彼旃陀梨見已便作大火坑無有塵腫時鈴默比丘報言我已見此火坑旃陀梨報言若不欲親近女者不如入此火坑死是時彼比丘便作是思惟此火雖恐懼避火親近欲者然欲熾於大火設犯欲者後受罪無量寧今日入此火坑不犯此欲然我師神通無比云何當違師教以是之故當入火坑而死

不犯欲而生今俱捨二事云何於三世如來立禁戒今我當犯以是之故入火坑而死如是思惟已欲持僧迦梨鈴以施彼人時旃陀梨報言用是永鈴為鈴默比丘報言

今此諸梵行持我永鈴施諸有集聚者持我語告彼比丘名鈴默遭此厄難處今投火坑死不受彼欲愛

乃至彼二人俱出家學道廣說如契經是時復說此偈

僧伽羅刹所集經卷下 第三十二頌

世修善雖少思惟憶不忘亦不受彼欲欲度眾生故况復開甘露世尊一切妙云何造功德彼智隨時興

余時世尊云何周旋來往覺知生本所謂於此等語有二種風形體功德心意所覺是謂二風彼形體風者生諸愛念意所覺者猶如華歎鮮明淨潔猶如彼風觀見解脫所為事勝猶雪成水此心雪亦復如是攝持內外境界有清涼風起覺知彼意彼持無量不破壞有六境機關外為四大所使四大根力所繫彼有軟風起漸漸有智生亦如彼舉足時皆是本行之德不失本所為之相踣骨所行來往皆有火起於一切骨屈申卷舒筋脉漸緩有所希望若復視瞻開目閉目內身根更樂漸漸熾然隨彼來往若復食取屈申卷舒皆由形所造及餘心所造行依煖風除去顛倒風亦吹落屑齒聲響本意所造一切種子法然彼風處所有勝皆有此語有如是聲響彼作是說不為攝云何不為繫縛我作是說有此機關外有壞敗內

僧伽羅刹所集經卷下 第三十三頌

有衆行不作是時便有蓋便有長養猶如智車於此見載緣如是豪貴法緣依彼時想顛倒於是便說此偈此甚奇甚特覺知空無智覺轉相依倚機關寂為要亦不觸彼意身意所依倚有如是衆事幻感為微細

是時世尊為梵行云何覺不亂不從彼學獨遊無侶於人中功德威儀寂為微妙無著於一切衆生所為之業元能及者衆生無有量依倚一切微妙之法法自然故一切智不可壞成大要道所欲成就必果無疑諸功德具聲聞圍繞生一切德一切微妙小時世尊於彼衆妙形體寂第一象德成就除幽冥世無所著三世元著棄諸結使得大慈悲心無亂想已度彼憂畏之慮至安隱處長起降伏其心自得授彼於是便說此偈

梵行寂為妙慈功德成就若彼聞此教天人皆拜手於正法無二彼樂亦无二必當成賢聖是故拜手聖

余時佛世尊三耶三佛忍地寂為微妙除諸結使亦無所著火所不燒所

僧伽羅刹所集經卷下 第三十三頌

悟事勝風亦復勝功德無畏大眾成就為衆重擔甚深相應不可思議猶如師子無怯弱心顏色和悅為彼外學故已修元著猶如蓮華無所染汙自依衆故自破壞意所希望亦復能辦拔諸結使故衆寧為妙倍種種相生受取為妙若自求於一切生為妙當拜手取福田所擁護人民王衆第一不作是觀彼義甚深捨衆微法月取為勝分別諸法毗沙門為第一聲譽清徹師子吼衆第一欲種良福田有增上學捨一切田業釋提桓因為第一一切世間功德為第一示現涅槃道亦為勝慈護一切衆生解一切縛為妙於是便說此偈

如來之功德一切普悉備止住釋種家猶海集衆寶及餘佛法衆充滿三世界欲求往彼岸當從如來取

是時世尊為人中師子雄偉望於一切智色和悅咽喉功德無比佛法功德有四神足甚安詳去離廣嶺之言直身正意衆智具足眼為清淨根萌芽分別衆法稱揚其德未知智猶雨

增補釋利所集經卷下 第三十四頌 樓

甘露難可沮壞十力具足勇猛超彼覺知一切所趣而往救濟大慈悲憐解脫四等未曾執亦元愛欲味觀食而食得無所畏降伏彼衆彼猶如師子處王鳴吼之時其聞聲者皆駭走四趣止谷趣谷止穴趣穴鳥飛虛空此亦如是若聞無常聲此凡夫人及長壽皆懷恐怖於身見皆馳走而去猶如彼龍象聞師子聲不覺便利或絕羶羶走諸有長壽色界諸天亦復如是聞無常之教味著所樂各有此惡愛心今時世尊為師子廣王意悲無恐懼成其道果亦不退轉觀者皆歡喜止觀微妙知彼功德元有愚惑於是便說此偈

猶彼師子吼聞者皆驚愕以智分別法種種有別名於生死恐懼佛德不可議是故拜師子師子王中三

是時世尊為人中雄象一切智慧皆悉具足所有支節與首相稱所謂是智慧首因智慧有念念為頭依彼正觀為腹以休息解脫亦無師學自然稱具以信根為妙法以信力而縛有

增補釋利所集經卷下 第三十三頌 樓

如是之力護清淨以為牙除惡趣慚愧為營從身妙以為耳佛法身滿亦無害意而修梵行究竟其原來其方便勇猛不退一切世微妙元有能過此功德者猶如安明山習修於禪如彼利刀覺意自在七處安詳無常苦空行一切法皆悉无我涅槃為滅淨所持如甘露十力有力勢觀者皆歡喜以破壞憍慢行解脫果報所緣依彼甘露不投計所者本意所造食解脫甘露果如甘露者得利養除諸穢濁以為食亦不藏貯於九十一切善自降伏今時便有是定心無有衆亂於是便說此偈

和悅無衆亂極清淨意定拜手无量德人中雄象王彼衆生有德壞敗諸色想眼淨無瑕微拜手覺取勝

彼三耶三佛有如是功德如是自覺知如是甚深極微妙无比於中自覺諸法設復有人誹謗我言彼或有聲性與相應有如是有餘如有作是說有餘沙門出家若婆羅門聰明慧慧若天住止若欲界魔天若梵天色界

增補釋利所集經卷下 第三十六頌 樓

妙者作如是而說法我亦不見彼相亦無因緣如彼所說若復不見其相云何不等正覺亦作是說見彼而說法逮安隱處而自娛樂為等正覺亦到無畏處及餘元著廣說如契經彼寂為妙無著不搖動處元若干彼名當轉梵法輪彼梵世尊轉此法所謂賢聖八品道當於何處而轉或作是語於此眾轉為妙於此眾而師子吼亦不於空處而轉於此師子吼亦無恐畏復作是說欲降伏彼眾故此寂初無所畏第二諸漏未盡此義云何所謂有漏障中有諸恐畏若復斷智具足此第二第三我所說道法此有何義所謂有如是實為彼故求彼作是說此造諸內入此第三第四有所縛彼有十事人所修行在眾元恐畏或無恭恪心彼如是元有威儀以是之故於大眾而懷恐怖雖復有恭恪心明點如實有此威儀彼亦復有恐畏於眾雖復有恭恪之心於彼雖無畏彼義有愚癡雖復承事供養恭恪之心然不數數修行華復修行亦不

僧伽羅刹所集經卷下 第三十七 張樓

經歷久於中亦有恐懼之心於彼雖久修行意不捷疾於中故有恐懼雖有捷疾之意亦不親近於中故有恐懼之心彼雖親近亦不實依於中亦有恐懼之心意雖依善自元此善於彼眾中故有恐懼之心若復遍有此意然不有巧便彼於眾中故有恐懼之心彼世尊為菩薩時承事師眾三界牢要實幢從銳光佛以來三耶三佛若干劫極淨元瑕穢一切無幽不照緣彼覺意有如是形類所為成就為彼道故九十一劫而造行今時世尊得受名号起如是點慧而成佛與智慧相應意悲覺悟依彼善意一切皆急辦一切意無著彼第一無染汙亦不懷恐懼心是故世尊如是常住恒入三昧於彼智有勝無數世有勝作是觀察其有難問者終不猶豫文字無數於是便說此偈

僧伽羅刹所集經卷下 第三十八 張樓

謂云何當試窺初種有五行猶外草木於此有何五種復作是說云何彼樹展轉相倚耶生種種結苦諦所斷外亦有生有五種行觀彼苦地之所生皆依外而生於內云何生有作是說於內識處等有是觀如是外住隨種便生於中作是說如日月現無光此各各相依有所說依外亦生此義云何答曰於今而不相依食為水所漬為火所焚安處形體或為風所吹如地生樹隨風來往於中皆悉知之身風所觸耳有所聞時亦能識知彼日細滑也堅依外彼非有智耶如是乱想若外果所生皆悉觀察外緣內於中作是說一切非思惟色相耶不作是觀如觀察四大如是境界皆悉觀之或觀一果眼識生若干果以識為首是故壞敗於中作是說外亦有作若干果猶彼色半青半黃猶如樹同一根生若干種果實秋則无有果或隨時生此生死樹亦復如是身寂為本根為枝葉猶如三昧境界是故識施果為上如是而覺知以眼喻彼

僧伽羅刹所集經卷下 第三十九 張樓

樹若依眼識有所攝色其根今色云何得成所謂如所說觀觀便為妙彼如是現於是復現謂所生種子漸漸長益於彼生而成果如隨時萎彼果無所因等是有果所謂心垢所染於中作是說眼識皆悉知於中作是說不於中間猶如彼色緣彼果生如是緣意識有此生死樹彼眼識為首於中作是說猶如胎漸漸長於彼生眼識如是有眼識於中作是說不於眼識中間而死無有身根然眼根无所造此由何故或外不依根果本或同影果於此云何言等一切身根以過去不依無根草果根有壞敗復是所知外元有情然內有情於中作是說云何情想有果實耶猶如外花實此種果亦復如是是以是故或有情或復共同情於中實有無尋云何當有念於中作是說此義云何或有作是說彼處所无有住處若曰猶如彼無處所便有是清淨外無壞敗便有是日緣於中作是說彼四大有增上如所依有果者是事不然此復是所知所

僧伽羅刹所集經卷下 第三十張 據

作行業外不現猶如內所有不住名曰樹住者非樹於中作是說云何此地持無所壞敗耶此地亦有軟氣若依彼有是堅相為風所吹便可知之此亦如是然外有藥草樹木無常斷絕與壞敗相應當作是觀因緣元常告空無我亦如是然外空无所有衆生亦如是猶如無我觀內亦如是况當內有所造懷內思想彼皆是外猶如濕木種時便生此亦如是根意所教猶如身心依法往來周旋此皆無所依猶如尋煖命識此亦如是無有終始

觀彼志性趣外及樹木草實空无果實於法當分別彼已有壞敗身等即思惟壞彼塵勞結五根永以滅

是時尊者大迦葉勤修苦行身體疲厭於彼園觀處而自娛樂事火无懈息已象圍繞僧迦梨壞敗瓜皆長諸根淳熟內降伏姪經行往來所觀察皆悉知之樂閑處名稱遠聞故得大慈悲無與彼尊德等者天人所供養是大福曰加敬恭拜諸遭困厄者皆

僧伽羅刹所集經卷下 第三十一張 據

度脫之度彼生死布現法相布現歡樂擁護如事父無異所供養業如山不可動歡喜踊躍欲觀察如來欲獨一閑靜處往至世尊所歡樂異法故頭面礼世尊足在一面坐余時世尊欲嘆譽少欲之德便告尊者大迦葉曰汝今迦葉年老形熟无復有少壯意長老身無所堪任漸漸衰耗咸意已盡更不與所著補納之衣極重計汝今身不堪勝此重衣汝年已邁諸有長者持衣施者便可納受是時尊者大迦葉諸法想其恭敬心於如來即從坐起長跪白世尊言生死長遠義皆不真受此樂痛心常愁憂諸有豪尊長者亦不樂至彼家已自阿練復嘆阿練之德自少欲復嘆少欲之德然世尊諸天證知我於今世果若有力無力皆能頂戴况我今日之身元姪慈癡憊憊皆悉盡清淨無瑕離世不與世相應皆悉得之今當云何捨此廣服是時世尊告曰此云何廣說如昇經是時尊者大迦葉報言以二義故住閑居處或復有嘆閑居之

僧伽羅刹所集經卷下 第三十二張 據

德自於現法中欲得歡樂為後世人
故作照明布現如是德以是修勤苦行
是世尊告曰善哉善哉大迦葉常當樂
閑居廣說如契經於是便說此偈
彼得何自在 弟子修苦行 清淨無衆惱
如月星中明 如今元狐疑 彼有大德
當牢持正法 淨除一切穢

是時尊者舍利弗自依甚深無有邊
際所知如大海無有邊崖堪任與外
學論議皆悉降伏稱揚善法不失彼
意於愛欲得解脫意所覺知生死所
趣皆盡原本便往至世尊所頭面礼
足白世尊曰我起如是義皆悉牢固
彼彼止住外道異學處今到此處欲
服甘露除一切結縛意亦無所著於
我處所世尊為我故說如是義當除
惱患說如是義已諸凡夫人皆悉懷
愁憂學者亦懷愁憂諸无狐疑者皆
悉欲聞是時世尊須臾思惟告尊者
舍利弗言此行皆是有為是時尊者
舍利弗常樂空閑處好喜於法拜手
於法繞三匝便直身觀如來形往詣
鄰羅陀村中以草布地入師子奮迅

僧伽羅刹所集經卷下 第二十二頌 樓

三昧已入彼三昧如來所止之方便
於彼而般涅槃是時均頭沙彌
常與尊者舍利弗供給所當與轉尊
法輪修行佛事寂大聲聞一切世人
莫不供養供養如來身所彼舍利及
鉢三法衣與尊者阿難到已便作是
語我所事師今已滅度尊者阿難問
均頭沙彌汝師是誰為名何等我所
事師名優鉢伽舍今尊者已般涅槃
此尊者舍利弗是時尊者阿難聞如
是語便懷愁憂納悶憂城裏彼舍利
心意迷惑無所覺知須臾愁煩而立
便將均頭沙彌往至世尊所以是語
具白世尊我今日身不如本故聞彼
尊者舍利弗取般涅槃廣說如契經
世尊告曰彼持戒身而去耶及我所
覺法亦持去耶所謂四意止廣說如
契經然復阿難行不可久保皆當壞
敗阿難無常行元有常存者亦元不
觀善行阿難行元所依怙阿難興起
苦更樂懷顛倒之想阿難行無我不
得自在阿難行難可捨常受有教阿
難行有所言皆悉空寂阿難當遠離

僧伽羅刹所集經卷下 第二十三頌 樓

彼行起苦樂想是時世尊告均頭沙
彌言汝授此舍利者我手巾中是時均
頭沙彌即授與如來是時世尊申黃
金臂極軟細而受之今時世尊當受
舍利時彼極清淨無瑕穢心意歡喜
觀者皆歡喜看聞冥處是時世尊告
諸比丘汝等比丘可礼此舍利弗舍
利自嘆譽彼名聞遠布於聲聞中尊
寂妙唯有一存彼一切皆悉過去諸
有萌類欲得是樂現神足去垢濁彼
復有是明皆悉周遍設當有是色當
拜手彼智慧彼有名稱一切世間悉
能充滿此是彼舍利於三界身得自
在善香所熏是故當拜手礼如是現
德為世現明類衆多切德當學解脫
至彼處所今時世尊亦捨壽命是時
地為大動四面雷電霹靂震諸天側塞
虛空作倡伎樂有大光明靡不照明
雲霧覆蔽大無有光有如是語流布
一切智當取滅度是時尊者阿難清
且從座起往詣世尊所頭面礼世尊
足在一面注便問世尊言此是何因
緣使地大動世尊意不移動便作是

僧伽羅刹所集經卷下 第二十五頌 樓

語阿難以八因緣故地為大動復語尊者阿難若第一聲聞取般涅槃如來取涅槃有如是之瑞應阿難白佛言今日世尊亦捨壽命耶世尊報曰如是阿難我亦捨壽命是時尊者阿難自投于地廣說如契經白世尊我面從如來聞受持誦諸有比丘所修四禪神足住劫若至無數劫廣說如契經是時世尊意不移動吐如此言教便作是說云何阿難我不再三告汝耶是時尊者阿難尊無二語便默然住猶如大海中般破壞无由得至彼岸白世尊言從隨業世尊已來彼三耶三佛所有境界人民皆悉長壽成就今日如來境界所修行甚勤苦精進惠施無有限量如今日衆生壽命甚短教化未盡原本是時世尊告曰汝今云何世平豐熟无有恐畏苦難有法王出世轉輪聖王以法治化樹木樂草不可稱計諸有牢獄閹繫者皆使解脫或復有鼎沸之世如轉輪聖王諸有牢獄閹繫者皆使解脫不遭苦厄有恩慈於彼衆生彼云

僧伽羅剎所集經卷下 第三十六卷 終

何有恩慈於衆生是時尊者阿難白世尊言第一法王出人之表者遭厄苦惱者能脫苦惱最為要猶如阿難太平之世有轉輪聖王隨葉佛處世時亦復如是猶如牢獄閹繫皆悉度脫之阿難如我今日壽命極短出現於世彼衆生猶刁細劫生彼惡劫諸結使厚未能離結使依種種邪見有邪見結使以非法欲故有欲結使於彼衆生中間所生如是惡起時世惡故所教化少若於彼人勤修此行阿難我本未得道為獼猴時不惜身命使餘同類皆使得度无有不得度者本復為師子時度脫今所商人趣彼惡道久修彼梵行今時阿難所趣之處无有不有潤澤衆生我是時阿難還復人身於摩竭界潤澤諸人復於青峯時度脫無數商人復為大仙人度脫无数梵天我年八歲時於此誓願意不退轉身被草衣勤修苦行住彼閑靜處所修行皆悉護持云何阿難我於此迷惑之世天下降雨時釋提桓因即使降雨是時阿難我未生時

僧伽羅剎所集經卷下 第三十七卷 終

人民之類愛念一子若復阿難我為一衆生故一劫之中代受泥黎苦為彼衆生受如此苦惱若復阿難我今此身父母所生無有怨敵能害我者終无此義此金剛三昧分別種種三昧苦我取滅度後彼若供養舍利如芥子等此功德無有限是時便說此偈從初發意來所作為第一得為人中上誰能與等者若父母妻子於世得自在雖有餘命存命盡當捨之汝今往阿難為如來故往詣彼雙樹間廣說如契經是時尊者阿難從佛受教便作是思惟今日世尊審涅槃耶便懷愁憂不違尊教即懷驚怖便往至彼間皆是宿命相追逮故勤苦所致欲有所陳復懷狐疑當云何陳此言便白世尊所為已辦是時世尊便往至彼所舉足踏地時欲至彼處是時尊者阿難心意遂熾然復生是心此為幻夢耶為是審然如是猶豫思惟是已復還正其意此名曰無常衆生流轉不脫此息是時世尊漸至彼雙樹間於其中間有諸天側塞虛

僧伽羅剎所集經卷下 第三十八卷 終

空或有作偈伎樂顏色變易或有啼哭涕零不可稱計諸須輪衆怖望於法恭敬於法是時便說此偈
此尊第一妙為彼衆生類此法亦無上今當取滅度

是時世尊便至雙樹間而坐是時雙樹間諸天展轉相告語言於彼亂世一切智當取滅度云何當捨人民類而取滅度於是便說此偈

諸為深義故疾速甘露味彼尊有是力今慈當過去如彼金剛輪人民所嘆譽彼輪或有敗此尊難可壞

於彼中間盡修無常精進力不可沮壞諸有少壯皆悉元常諸佛世尊亦復滅度此惠甚苦惱便說此偈

於彼諦思惟色像有迴轉彼更樂所縛受諸苦惱患

其中或有說此偈
軍始生為苦有此陰持名無生不有壞誰有脫此患

其中或有作是說偈元常為所從生軍初覺此時一切念悉成彼有如是色

諸佛無常住

增伽羅刹所集經卷下 第三十九頌

我等今日當修何業今世尊寂後說此法是故當慙慙聞心是福田亦不可持而發歡喜心是時婆羅國中諸天皆拜手於世尊雨若千種曼陀羅花皆啼泣涕零便說此偈

其有觀如來晝夜無懈怠時欲取滅度捨此四大形勤苦成其德未曾違正法以度生死海今當捐陰入

是時世尊臨欲般涅槃時告諸比丘汝等比丘有所狐疑便可時問乃至一切行無淨常云何尊者阿那律世尊般涅槃耶是密迹金對力士立如

來後觀如來顏色支節筋骨皆悉牢固堪任重任亦堪任說微妙之法即啼泣而作是說

無垢元眾現世間失覆蓋猶彼紫磨金今當捨衆去猶如此世間年熟時已過釋種釋迦文元想永寂滅

其中或有說者止止莫作是語是時彼懷此懷惱便作是說自念世尊從兜術天降神來生世間憶彼有數千萬天以己功德皆著青水有天神之力力不可沮壞五百不退轉復有十

二大鬼神見者皆懷恐怖欲來擁護如來斯須思惟復作是說攝如來支節皆放光明便告勅我等勅諸天有是語護世神遣使至此於彼處使作是語我等歡喜承事供養如愛胎時夢寐之中常不遠離我等涂著此世衆生牢固於此有苦樂想有父母想一切世微妙有無上想護世所造有兄弟想受徵信施故有福田想心不傾邪有執御之想欲渡流故有船師想不可得故懷珍寶想得大慈故有護世想如我今日金對之身不礙為百分或有說者此身必當獲果所以然者供養如來故是時密迹金對力士便作是說此事云何是時太子乘馬車出城時彼馬還來七日不食生三十三天況當我等承事受如來教誡入耳者諷誦者一切皆悉學度衆生無有限量若復珍寶之海當廣求之是時密迹金對力士有二賢聖論說此偈

增伽羅刹所集經卷下 第四十頌

於彼神龍處金對出於海云何當擁護如是師子乳

增伽羅刹所集經卷下 第四十頌

是時思惟復作是說

猶如彼深海力無能過者於世行精進

大德元有邊

如是世尊於波羅奈國而轉法輪初轉此法時多饒益衆生即於此夏坐有益於摩竭國王第二三於靈鷲頂山第五睥舒離第六摩拘羅山第七母故第七於三十三天第八鬼神界第九拘苦毘國第十枝提山中第十一復鬼神界第十二摩伽陀閼居處第十三復還鬼神界第十四本佛所遊處於舍衛祇樹給孤獨園第十五迦維羅衛國釋種村中第十六還迦維羅衛國第十七羅閱城第十八復羅閱城第十九拓梨山中第二十夏坐在羅閱城第二十一還拓梨山中於鬼神界不經歷餘處連四夏坐十九年不經歷餘處於舍衛國夏坐如來如是夏後夏坐時於跋祇境界將村中夏坐世尊已度愛澗如是曩昔諸佛所作惠施利根皆悉成就諸行普至志性柔和皆悉度已次度中根次度軟根漸漸使至須陀洹與外

增補羅刹所集經卷下 第四十二 頌

學演說世尊皆周遍余時便取涅槃於是便說此偈

欲度外學故大尊無與等自覺復度彼无有溺此淵經度種種樂漸漸有長益於是生歡喜皆悉度彼處

如今清淨無瑕穢所生之處常值善處已行成就亦無衆慢緣諸功德皆悉成就為彼境界故相應成就以慇懃故生皆成就致齊拔苦至無為處如是得成就若生豪尊家居家成就色微妙故親屬成就所為已足无為處成就有限量故所為皆成斷種種結使故降伏成就所興行業皆成斷種種諸功德未曾有所犯所為成就威儀成就諸功德戒律成就演四意止威儀成就分別言教境界成就興起智慧集衆成就已捨諸有諸戒具足戒律成就以智專心亦不依憚三昧成就如實分別彼界智慧成就斷諸結使故解脫成就斷諸愚癡故解脫見慧成就集諸功德一切成就已得滅寂止觀成就足故拜手十力是時便說此偈色不可思議佛之所覺悟三世稱揚名神仙至彼岸於世已休息永盡無起滅

增補羅刹所集經卷下 第四十五 頌

大智通第一一切得自在

聞如未般涅槃百歲後一切智見布現於世間摩竭國界迦羅梨城有王名阿憺其德甚巍巍猶彼天帝无異有大威德聰明慧甚任與彼論議視民如子彼夜欲眠之時便作是思惟我今所願已果更無怖望當擁護人民今當設何方便為何業當興起何事使世人民皆蒙其德作是思惟已即夜睡瞑於夢中便聞此偈審諸甚微妙三世所故事當廣布舍利寶勝取滅度

聞此語已彼王即驚覺時王已覺便作是嘆

善哉彼衆生取滅度之後舍利天所傳我等當承事

口傳耳所聞是時大王即召群臣集大衆以此義問彼言我當以何義恤化人民彼群臣人民各自陳言或言供養如來舍利或言祭祀神天是時王便作是說當以至誠語擁護其法我昨夜夢中便作是聞思惟此舍利甚善我為此世故我等宜擁護世間

增補羅刹所集經卷下 第四十六 頌

人民自既獲福衆生得度已功德無有量當行威儀恩慈皆使見照明我於夢中聞如是語又說此偈
若聞彼音響道場自覺知彼是釋師子應供養舍利

是時王集諸比丘復以此義問彼曰諸比丘以法之教時王復語彼比丘言諸賢所說我於夢中所見則是我宿植德本是時王於八日受八關齋著純白衣撞鐘鳴鼓作倡伎樂彈琴鼓瑟吹螺燒種種香於羅闍城欲得舍利聞彼城裏有金券書已見金券有其形像前世以土惠施見彼相聞以下略王須臾思惟便作是語此必當獲微妙果實我欲發開銅函見此中文即發開函見有金券亦見文字此券見此證驗即於衆生便讀此文字於摩竭國界有羅闍城有長者名波羅蜜多羅彼有子名脾闍耶蜜多羅第二家名波修波陀羅有子名波修達多彼二長者子在四衢道頭弄土戲當弄土戲時毗闍耶蜜多羅長者子便懷歡喜便拘土惠施

僧伽羅刹所集經卷下 第四十七卷 終

○僧伽羅刹所集經

復有助歡喜者如來百歲涅槃後毗闍耶蜜多羅當出現於世緣彼上功德有王名阿憍出沒邪種時王讀此文字便懷歡喜嘆未曾有復告群臣更讀此金券如上無異彼於此世界人民之類皆當統領然不嘆譽波修達多當為彼人臣時王便作是嘆善哉大福田作是少施獲大功德心得歡喜或有作是說我取七塔舍利分布廣度世界是時王善哉嘆未曾有之智歡喜取彼舍利虛空之中聞神聖聲而說此偈
當發歡喜心善德不可稱當廣布功德遺舍利教化

大王於彼舍利而雨若干種華是時王起八万四千塔一日皆悉成是時王告彼群臣言彼有如是真諦言教世下稱譽為佛今已滅度分布舍利於世界亦無衆結身淨如金亦如白雲觀此地未曾起惡彼亦如是見此地已擁護之所教授智不可動在巖穴中極峻高空无有量況當統領一切一切地是福田十力觀衆生類所

僧伽羅刹所集經卷下 第四十七卷 終

起塔寺無有增減是時世尊舍利為一種類各各作若干種論時王說曰猶此力无數金剛三昧碎骨而自得捨休息云何當度此

僧伽羅刹所集經卷下

乙巳歲高麗國大藏都監奉勅雕造

僧伽羅刹所集經卷下 第四十七卷 終